

ZĪRINŌ YĀKENANŌ

Yesu tana ludambe 1:1-1:26

Luda Nini kipanaa 2:1-2:47

Yudano Yesu yā sinaa 3:1-12:25

Pɔlu wētēgena káakude 13:1-14:28

Pɔlu wētēgena gèn plade 15:1-18:22

Pɔlu wētēgena gèn aakōde 18:23-21:16

Pɔlu gena Romu 21:17-28:31

Lésena Luda Nini yā musu

¹ Tiofilu, ma ònne ma takada káaku gūn lákū Yesu kè nà kū yā kū à dàńnenɔ pínki zaa a naana gɔɔ

² ari gɔɔ kū à yā òte a zĭrinɔne kū Luda Nini gbānao, akū Luda a sè à tà kāao a kīnaa.

³ Zaakū a ganaa gbɛra à a zĭda mòńne à sèedayāno kèńne dasi kū à tò ò dĕ sikaa sari kū à bēne. À a zĭda mòńne gɔɔ bupla à kpata kū à bò Luda kīnaa yā òńne.

⁴ Kū ò kakarana, akū à pìńne: Àsun bo Yurusalemuro. Àgĕ lé kū ma De sèáre dā, lákū ma a yā òáre nà.

⁵ Zaakū Yahaya gbēno da'ite kè í gūmme, ama gɔɔ pla la mani á da'ite ke Luda Nini gūn.

Tana kū Yesuo ludambe (Maa 16:19-20, Luk 24:50-53)

⁶ Kū ò kakarana le, akū ò a là ò pì: Dikiri, gɔɔ dí gūnn ĩni Isarailano kpata erańne yá?

⁷ À wèńma à pì: Á zé vĭ àgĕ gɔɔ kesĕ gɔɔ zaka kū ma De òte kū a zĭda ikooo dōro.

⁸ Tó Luda Nini k̀paáwa, áni gbāna le àgõ de ma sèedadeno ũ Yurusalemu kũ Yudea b̀usu gu s̃nda p̀inkio kũ Samaria b̀usuuo ari à gé pé andunia léa.

⁹ Yá bire onaa gbera Luda a sè n̄ wára ari à gèe à sàte n̄ wéa ludambε lukun.

¹⁰ A tanaa gũn lákũ n̄ wé pé ludambεa nà, akũ gbēnɔn pla kenɔ bò ò zè n̄ sare ò p̀kasa puranɔ dana.

¹¹ Ó p̀i: Galili b̀usudenɔ, à kè dera á zena áten ludambε gwaa? Yesu kũ Luda a bò á té à tà k̄ao a k̄naa p̀i, ani era à su lákũ a è àten tá gwe nà.

Yudasi gēnekēnaa

¹² Akũ ò k̀pa K̀kpe s̃s̃ia ò s̀ Yurusalemu. S̃s̃i p̀i z̄a kũ Yurusalemuo à kà lán kiloo do taka bà.

¹³ Kũ ò kà, akũ ò didi kpé musu, gu kũ òdigõ kún. Pita kú gwe kũ Yuhanao kũ Yamisio kũ Anduruo kũ Filipio kũ Tomasio kũ Batɔbmiuo kũ Matiuo kũ Alafeu né Yamisio kũ Simɔ Kokarideo kũ Yamisi né Yudasio.

¹⁴ N̄ p̀inki n̄ z̄ida kpà aduakēnaaa lεεε kũ Mariama Yesu dao kũ Yesu dakūnanɔ kũ nɔgbē kparanɔ.

¹⁵ Gɔɔ birea Pita f̀tε à zè Yesu ìba kũ ò kà gbēnɔn basuddo takanɔ té à p̀i:

¹⁶ Ma gbēnɔ, yā kũ Dauda ò kũ Luda Nini gbānao Yudasi kũ à dò gbē kũ ò Yesu k̀nɔne are yā musu, tilasimε Luda yā p̀i papa.

¹⁷ Ó gbē dome yā a baka kú ó z̄i dík̄ina gũn.

¹⁸ À z̄ite lù kũ ɔɔ kũ à lè a v̄anikēnaa gũnwɔ. Gwen à bàkē à lèten, a n̄esεε p̀t̄ā a nukāninɔ b̀tε p̀inki.

19 Yurusalemudenŏ pínki yā pìi mà, akū ò tó kpà gu pìine Akēledama kú n̄ burì yāo. Tó pìi pì gbēderi zīte.

20 Ò a yā ò Zabura takada gūn ò pì:

A be gō bezī ūme,

gbēke súnḡ kú a gūn dorō.

Ò pì dɔ:

Gbē pānde gō a gēne ũ.

21-22 A yā mé à tò gbē kū òdigō téwái ḡɔɔ kū ó kú lēle kū Dikiri Yesuo zaa Yahaya gbēnŏ da'itekēḡɔɔ ari ḡɔɔ kū Luda a bò ó ténŏ, ò n̄ gbē do bo àḡō de a vuna gan sèedade ũ kūoo.

23 Akū ò gbēnŏn planŏ bò, Yusufu kū òdi pine Baasaba òdi pine dɔ Yusutu kū Matiao.

24 Akū ò adua kè ò pì: Dikiri, n̄ gbē sīnda pínki nèse dō. Gbēnŏn pla dínŏ té n̄ gbē kū n̄ bò mɔwεε,

25 de a bàka gō kú kū ókōnŏ zīrinŏ zī díkīna gūn yāi, zī kū Yudasì bòn à gēε gu kū kō sè kāao gūn.

26 Akū ò kàpaa kpà gbēnŏn pla pìnŏ yā musu. Akū líkpana Matia kū, akū ò a dà zīri gbēnŏn kuri awεedonŏ té.

2

Luda Nini kipanaa

1 Kū Pentikōsi dikpe ḡɔɔ kà, ò kú gu dokōnŏa n̄ pínki.

2 Kānto ò kīni mà bona ludambe lán zàḡa'īa gbāna bà, akū kpé kū ò vutena wā.

3 Ò pó è lán tēnenenŏ bà à fākōa à dīdi n̄ baadia.

4 Akū Luda Nini kīpānma n̄ pínki, akū ò nà yākeburì'onaaa lākū Nini pì n̄ gbá lé nà.

5 Yuda kenŋ kú Yurusalemu gwe, ludayāmari kū ò bò andunia b̀usu s̄inda p̄inki gūnnŋ ũ.

6 Kū ò n̄ zuka p̄i mà, ò kàkarañyĩ dasidasi, akū ò b̄idi kè, kū ò mà òteni n̄ gb̄e s̄inda p̄inki buri yā o.

7 Yā p̄i n̄ kū gb̄ana à bò n̄ sare ò p̄i: Yā'orii p̄innŋ bi Galilidenŋme n̄ p̄inkiroo?

8 À kè dera o mà òteni ó baadi b̀usu yā oo?

9 Patianŋ kū Midianŋ kū Elamunŋn̄ ó ũ kū gb̄e kū ò kú Mesopotamianŋ kū Yudeao kū Kapadosiao kū Pontuo kū Asiao

10 kū Firigiao kū Pamfiliao kū Misilao kū Libia b̀usu kū à kú Sireni sareo kū gb̄e kū ò bò Romunŋ.

11 Yudanŋ kū gb̄e kū ò n̄ donyĩ zé s̄enn̄n̄ ó ũ kū Keretinn̄ kū Larubunŋ, akū óten ma òten Luda yābonsare kenanŋ o kū ó baadi buriyānŋ.

12 Yā p̄i n̄ kū gb̄ana ò b̄idi kè, òten k̄o lala òten pi: Yā kpate takan gwee?

13 Gb̄ekenŋ s̄o òteni n̄ lalandi ke ò p̄i: Í mé à n̄ kū.

Pita waazikenaa

14 Akū Pita f̀ute à zè kū a gb̄e kpara gb̄enn̄n̄ kuri awɛedonŋ à yā ò gb̄angb̄an à p̄i: Ákōnŋ Yudanŋ kū gb̄e kū á kú Yurusalemunŋ p̄inki, à s̄a kpá à tó mà yā p̄i oáre.

15 Í dí gb̄e p̄innŋ kū lákū áten da nàro, zaakū kōnkŋ m̀ò k̄endon tera.

16 Yā kū annabi Yoeli òon dí:

17 Luda p̄i:

Ḡrŋ kp̄edenŋ z̄i mani ma Nini pisi gb̄e s̄inda p̄inkia, á n̄égŋgb̄enn̄ kū á n̄enn̄gb̄enn̄ ni annabik̄eyā o, á k̄efennanŋ ni w̄égupu e, á mare z̄ōkōnŋ ni nana o.

18 Ḡrŋ b̄irenŋa

mani ma Nini pisi ma z̀b̄lerinŋa

gōgbēno kū noḡbēno í pínki
oni annabikēyā o.

¹⁹ Mani sèedanŋ ke musu,
mani yābonsarenŋ ke andunia gūn,
aru kū téo kū túsukpe síi lukuo nigō kún.

²⁰ Ifāntē ni sira kū,
mōvura ni tēra kū lán aru bà
ari Dikiri sugoro zōkō gakuride gō gé ká,

²¹ gbē sīnda pínki kū òdi Dikiri sísinŋ ni bo.

²² Isarailanŋ, à yā dí ma. Lákū á dō á zīdane nà,
Luda Yesu Nazera m̀áre a gbē ū kū daboyāno kū
yābonsarenŋ kū sèeda kū à kē a gāi á tēno.

²³ Luda zèo a poyenyīna kū a dōnaao gūn kū ò a
kpàáwa, akū a tò kifirinŋ a pà lía ò a dè.

²⁴ Akū Luda ga bàa pòroa à a vù, zaakū à zé vī kū ga
ni fō àgō a kūnaro.

²⁵ Zaakū Dauda a yā ò à pì:
Madigō Dikiri e ma wén goro sīnda pínki,
lákū à kú ma oplai nà
póke ni ma lukaro.

²⁶ Abire yāin ma pō digō nna,
ma nèsēgūn pù.
Ma tāmaa vī kū ma m̀e nigō kun,

²⁷ zaakū īni ma tó mira gūnlo,
īni we n gbē kū à kú adona yagi kūro.

²⁸ N ma da ẁendi zéa,
ma ponna nigō pana n kīnaa.

²⁹ Ma gbēno, mani fō mà ó dizi káaku Dauda yā oáre
swáswa. À gà ò a vī a mira kú wēte dín ari kū a
gbārao.

³⁰ A annabike gūn à dō kū Luda lé s̀awa à pì, áni a
burinŋ doke ká a kpatan.

³¹ Dauda gĩnake à Arumasihu vuna gan è, akū à a yā ò à pì: Luda ni a tó mira gūnlo, anì we a mē yagi kūro.

³² Yesu pìin Luda a vù gan. A sèedadenŋn ó ũ ó pínki.

³³ Vutena Luda ɔplai à a Nini kū à a lé sèwεε sì a Dea. Yā kū átεn e akūsó átεn ma tera de Luda Nini kū à pìsiwá ũmε.

³⁴ Zaakū adi ke Dauda mé à fùte à gèe ludambero, à pì:

Dikiri ò ma dikirine à vute a ɔplai

³⁵ ari àgō a ibεεnŋ kenε a tìntin ũ.

³⁶ Isarailanŋ, àgō dō sānsān kū Yesu kū a a pà líaan Luda dìte Dikiri ũ, Arumasihu ũ dɔ.

³⁷ Kū ò yā pìi mà, à n zō, akū ò Pita kū zīri kparanŋ là ò pì: Gbēnŋ, óni ke deraa?

³⁸ Akū Pita pìine: Á baadi nèεε lite à da'ite ke kū Yesu Kiriŋi tóo, á durunnanŋ ni kēáwa áni Luda Nini sí gba ũ.

³⁹ Zaakū lé kū Luda sèε pì de á pò ũmε kū á néŋnŋ kū gbē kū ò kú zānŋ, gbē kū Dikiri ó Luda ni n sísì pìŋnŋ n pínki.

⁴⁰ À yā pāndenŋ ònne dasi à nàkaramma à pì: À á zīda bo gbāragbē vāni dínŋ té.

⁴¹ Akū gbē kū ò a yā pìi sìnŋ da'ite kè. Zī birean ò kàra n té gbēnŋn wàa gēro.

⁴² Ò laakarīi dō zīrinŋ yādannenāaa kū kōgbēkenāao kū Dikiri póblenaao kū aduakēnaao.

Yesudenŋ kunna kū kō

⁴³ Zīrii pìŋnŋ tεn sèeda kū yābonsarenŋ ke, akū vīna gbē sīnda pínki kū.

44 Dikiri náanikerino pínki gǎ dokōnɔmɛ. Pó kǔ ò vīno gè ñ pínki pó ũ.

45 Tó ò ñ pó kǔ ò vīno yia, òdi a ɔgo kpaatetekōne lākū baadi bokote de nà.

46 Lākū gu òdigō dɔ nà òdigō kō kakara Luda ɔnn, òdigō pó ble kō bea kǔ ponnao kǔ nèse mèn doo.

47 Òdigō Luda tó kpá, akūsō òdigō nna kǔ baadi pínkio. Dikiri òdigō gbē kǔ áteni ñ sura bano kara ñ té lākū gu òdigō dɔ nà.

3

Gōgbē ɛɛ werekōanaa

1 Zīkea Pita kǔ Yuhanao gèe Luda ɔnn fānantē mò aakō aduakegɔɔa.

2 Gōgbē ke kú gwe ò a ì ɛɛ ũmɛ. Lākū gu òdigō dɔ nà òdi a sé ò su ò a òdi Luda ɔnn gānu kǔ òdi pi Gānu Mana gūn. Gwen àdigō bara ke gbē kǔ òten gē ɔn pìi gūnnɔa.

3 Kǔ à Pita kǔ Yuhanao è, òten su gē Luda ɔnn, akū à baraa kēm̄ma.

4 Ò wé pèa, akū Pita pìnɛ: Ñ ó gwa la.

5 Akū à wé pèm̄ma àteni ñ gba dā.

6 Akū Pita pìnɛ: Má ɔgo vīro, ama pó kǔ má vīn mani n gba. Kǔ Yesu Kirisi Nazera tóo ñ fute ñ taa o.

7 Akū Pita a kǔ a ɔplaa à a fute a zè. Gwe gōno a gbálanɔ kǔ a gèsewaano gbāna kǔ.

8 À vī à zè, akū à nà taa'onaaa. À gē kǔnwo Luda ɔnn àten taa o àten vīvī àten Luda sáabu kpá.

9 Baadi pínki a è àten taa o àten Luda sáabu kpá,

10 akū ò a dǝ barakeri kū àdigǝ vute Luda ɔnn Gānu Manan ũ, akū yā kū à a lè n kū gbāna à bò n sare.

Pita waazikena Luda ɔnn

11 Lákū à na Pita kū Yuhanaoa nà gu kū òdi pi Sulemanu èdan, akū baadi pínki ten gē n kīnaa, kū yā pìi bò n sare yāi.

12 Kū Pita gbēno è, à pìinne: Isarailano, bó yā mé à tò yā pìi bò á sareε? Bó yā mé à tò á wé fīwá lεε? Áten da ó zīda gbāna kesō ó ludayāmana mé à tò gbē dí táa ò yá?

13 Ó dizi káakuno Ibrahī kū Isaakuo kū Yakubuo Luda gwena kpa a zīkeri Yesua. Ákōno sō a a kpa gbānadenɔa a bo a kpe Pilati kū à zè kū a gbarenaao are.

14 A bo Luda gbē mana kū à kú adona pì kpe, akū a wé kè Pilatia à gbēderi gbareáre.

15 A Wèndikpammarii dè, akū Luda a vù bona gan. A sèedadenɔn ó ũ.

16 Yesunaanikena mé à tò gōgbē kū á a dō áteni a gwa dí wèrekōa Yesu tó gbāna yāi. Yesunaanikena mé à a gbà aafia á pínki wára.

17 Tera ma gbēno, má dō kū ákōno kū á gbānadenɔ yā pìi kè wésirakena gūmmε.

18 Luda dò annabinone are, akū ò gīnake ò pì n pínki kū Arumasihu ni wétamma e, akūsō à kè lε.

19 Abire yāi à nèse lite à are dɔ Ludaa, á durunanɔ ni kēáwa de à suáre kū nèsekpatenaao

20 à Yesu kū à gīnake à a dìtéare Arumasihu ũ pì zīáwa.

21 Séde àgõ kú musu gĩa ari gɔɔ kũ Luda ni pó pínki kéké à ke dufu, lákũ à dà a annabinɔne nà ò ò zaa káaku.

22 Musa pì, Dikiri á Luda ni á gbēke sé annabi ũ lán a bà. À yā kũ ani oáre ma pínki.

23 Gbē kũ adi annabii pì yā ma sōro, Luda ni ade bo á té à a demε.

24 Annabi kũ ò Luda yā ònɔ pínki naana Samueli kīnaa gɔɔ dīkīna baaruu kpà.

25 Yā kũ annabii pìnɔ òò kũ Luda bàka kũ à kú kũ á dizi káakunɔ gò á pó ũ, lákũ à ò Ibrahīne nà à pì áni arubarika da andunia buri pínkigu a buri gāi.

26 Kũ Luda a zīkeri pìi dìte, à a zīáwa káaku, de à arubarika daágu à á baadi kpε li a yāvānikεnanɔne.

4

Yákpatekena kũ Pitao kũ Yuhanao

1 Kũ Pita kũ Yuhanao ten yā o gbēnɔne, sa'orinɔ kũ Luda kpé dogari gbē zōkōo kũ Sadusinɔ gēnyī.

2 N pɔ fē kũ òten yā da gbēnɔne yāi, òten gènɔ vuna Yesu gūn kpàkpa ke.

3 Akũ ò n kũ ò n dá kpésiran ari gu dò, zaakũ gu gīnake à sī kò.

4 Ama gbē dasi kũ ò n yā mànɔ Yesu náani kè ari n gōgbēnɔ dasi kũ à kà gbēnɔn dúbu sɔɔro taka bà.

5 Kũ gu dò, Yuda gbānadenɔ kũ gbē zōkōnɔ kũ ludayādannerinɔ kākara Yurusalemu.

6 Sa'oriki Anasa kú gwe kũ Kayafao kũ Yuhanao kũ Alesandao kũ gbē kũ ò de sa'oriki pìi danε ũnɔ n pínki.

7 Ò sù kũ Pitao kũ Yuhanao gbānade pìnɔ are, akũ ò n lá ò pì: Bó gbāna ke dí tón a abirekũ kèoo?

8 Akū Luda Nini sù Pitaa à pìr̀ne: Gbānadeno kū gbē zōkōno,

9 lākū átēni ó lala gbāra nà yā mana kū o kè erene yaī, deran o kè à wèrekōa nà,

10 ákōno kū Isarailano pínki àgō dō kū gbē kū à zena á are dí aafiaa lè kū Yesu Kirisi Nazera kū a pa lía Luda a vù bona gan tóome.

11 Leme gbè kū ákōno kpéborino a pā kpai mé à gō kpé kusuru gbè m̀de ũ.

12 Gbē pānde ke kun kū ani gbē sura baro, zaakū andunia gūn pínki Luda dí gbēke dite bisāsirinone à n̄ sura baro, séde àpii.

13 Kū ò Pita kū Yuhanao kùgbānakēnaa è, akūsō ò dō kū talaka wésiradenome n̄ ũ, à b̀ò n̄ sare, akū ò dō sà kū ò gīnake ò kú kū Yesuome yā.

14 Lākū ò gbē kū à werekōanaa pii è ze nà n̄ sare, odi f̄ ò yāke ò doro.

15 Ò pìr̀ne ò bote, akū ò yā gōgō

16 ò pì: Óni ke dera kū gbē pìnoo? Zaakū Yurusalemudenon dō pínki kū ò daboyā zōkōo kè, óni f̄ ò gīro.

17 De yā pì sún dagula de adilaro, ò kpàkēnyī pāsīpāsī de òsun yā o gbēkene kū tó pìo doro.

18 Akū ò n̄ sísi ò yā diteñne òsun yā o kesō ò yā dañne kū Yesu tóoro sānsān.

19 Akū Pita kū Yuhanao wèmma ò pì: À gwa á zīdane. Á yān óni ma yá, ke Luda pó? A kpate mé à mana Ludane?

20 Zaakū óni f̄ ò gí ò yā kū o mà akūsō o è oiro.

21 Gbānade pino era ò vīna dàdañyī, akū ò n̄ gbāre. Odi wétāmma zé lero, zaakū baadi pínki ten Luda sáabu kpá yā kū à kèe pì yaī.

22 Gbē kū ò werekōana daboyā bire kēneε πì zī kū de wē buplala.

Yesudenŏ kùgbāna wékenaa

23 Kū ò n gbáre, akū ò tà n gbēno kīnaa, ò ònne lākū sa'orikinŏ kū gbē zōkōno ònne nà.

24 Kū ò mà, ò ó gbāna dō Ludaa leεε ò πì: Dikiri, mōkōn mé n musu kē kū zīteo kū ísiraŏ kū pō kū ò kū n gūnnŏ pínki.

25 N dà n zīkeri ó dizi Daudane kū n Nini gbānaŏ, akū à πì:

Bó yā mé à tò burinŏ ten zuka káa?

À kē dera òten lé pā kpákūsū?

26 Andunia kīnanŏ ten zī soru ke, kpatablerinŏ ten kakara Dikirii

kū Kína kū à kàao.

27 Yāpurame, Herōdu kū Pōntiu Pilatio kākara wēte dí gūn kū Isarailanŏ kū buri pāndenŏ n zīkeri kū à kú adona Yesu kū n kà kína ũ pīii.

28 Ò kē lākū n gīnake n zeŏ nà n gbāna kū n poyenyīnaaŏŏŏ.

29 Tera sà Dikiri, n yā pāsī kū ò ò ma gwe. Ókōno n zōblerinŏ, n ó gba lé ò n yā o kū kùgbānaŏ mana-mana.

30 N ŏ dawá de ò gbēno werekōa ò daboyāno kū yābonsarenŏ ke kū n zīkeri kū à kú adona Yesu tó.

31 Kū ò adua kē ò làka, gu kū ò kōkakaranan yīgāyīgā, Luda Nini sūmma n pínki, akū ò gēε òten Luda yā oñne kū kùgbānaŏ.

Yesudenŏ nèsedokōnkena kū kō

³² Yesu n̄aanikerinɔ laasun dokɔnɔ vī kū lédokɔnɔ. N̄ gb̄eke dì pi a pó kū á vīnɔ bi a póm̄e adoro. N̄ pó pínki bi n̄ pínki póm̄e.

³³ Luda z̄irinɔ ten Dikiri Yesu vuna gan yã o gb̄enɔne kū gb̄ana z̄kɔɔ. Ò Luda gb̄eke z̄kɔ lè n̄ pínki.

³⁴ Póke dí k̄ia n̄ gb̄ekearo, zaakū gb̄e kū ò bú ke kpé vīnɔ dì yía ò su kū a ɔɔɔ

³⁵ ò kpá z̄irinɔa, de ò kpá baadia lákū à a bokɔte de nà.

³⁶ Levi buri Yusufu kū à bò Sipiru b̄usun kú n̄ té. Luda z̄irinɔ tó kpàne Baanaba. Tó p̄i p̄i Laakarikipaterii.

³⁷ À bú kū à vī yia, akū à sù à a ɔɔɔ kpà z̄irinɔa.

5

Anania kū Safirao

¹ Gōgb̄e kū òdi pin̄e Anania kun dɔ kū a nanɔ Safirao. A z̄ite yia

² à a ɔɔɔ f̄inti bò kū a nanɔ d̄naao, akū à ḡe à a kpara kpà z̄irinɔa.

³ Akū Pita pin̄e: Anania, b̄oyāi n̄ tò Setan d̄onne are le s̄e? N̄ n̄ z̄ite ɔɔɔ f̄inti bò, akū n̄ éke tò Luda Ninin̄e.

⁴ Ḡɔɔ kū n̄di z̄ite p̄i yiaro, n̄ pónloo? Kū n̄ yia s̄o, lákū n̄ yei nà ñni ke kū a ɔɔɔoro? À kè dera n̄ yã bire kena laasun l̄e? Adi ke bisāsirin n̄ éke t̄onero, Ludan n̄ t̄on̄e.

⁵ Kū Anania yã p̄i mà, à l̄ete à gà. Akū vīna gb̄e kū ò yã p̄i mànɔ kū manamana.

⁶ Kefennanɔ ḡè ò biza dàala, akū ò a sè ò ḡe ò a v̄i.

7 Kū à kà lán awa aakō bà, yāke manaa sari a nanō sù à gè.

8 Akū Pita a là à pì: Ñ omene, a zĩte pìi yà lán dí bàn yá? À wèa à pì: Ee, leme.

9 Akū Pita pìne: Bó yā mé à tò a Luda Nini lè a gwàa? Gbē kū ò n zā vīnōn kú kpélele, oni n sé ò bo kūnwo se.

10 Gwe gōnō à lète a are à gà. Kū kefennanō gè, ò è à gà, akū ò a sè ò gè ò a vī a zā sare.

11 Akū vīna sōsi gbēnō kù manamana n pínki kù gbē kū ò yā pìi mànō n pínki.

Daboyānō kù yābonsarenō

12 Luda zīrinō ten daboyā kù yābonsarenō ke dasi gbēnō té. Yesu náanikerinō dì kōkakarana ke lele Sulemanu èdan n pínki.

13 Gbē pāndenō dì we ò nām̄maro, ama gbē sīnda pínki dì n tó nna sí,

14 ama gbē dasi kù òten Dikiri Yesu náani kenō, gōgbēnō kù nōgbēnō n pínki, òdigō kara n té.

15 Akū ò gyārenō sète kù wútebōnō kù gyāresēbōnō ò n káte zén, de tó Pita ten gēte, a nini le à da n gbēkenōla yāi.

16 Pari bò wēte kù ò kú Yurusalemu sarenōn ò sù kù gyārenō kù gbē kū tānanō ten wari dōm̄manō, akū ò wèrekōa n pínki.

Wétamma mōna zīrinōne

17 Akū sa'oriki kù Sadusi gā gbē kū ò de a gbē ūnō fùte ò nēsēgōbaa kpà kūnwo.

18 Ò zīrinō kùkù ò n ká kpésiran,

19 akū Dikiri malaika sù à kpé pì zé wèñne gwāani à n bôte à pì:

20 À gé àgō kú Luda ɔnn, à wèndi dufu pì yā o baadi pínkine.

21 Zīrinŋ yā pìi mà, akū ò gèe Luda ɔnn kɔnkɔkɔnkɔ òten yā dañne.

Kū sa'oriki kū a gbēnŋ fùte, ò Isaraila gbānadenn kū n gbē zōkōnŋ kākara, akū ò dogarinŋ zī ò gé zīrinŋ bôte kpésiran ò su kūñwo.

22 Kū dogari pinnŋ kà gwe, odi n le kpénlo. Akū ò era ò tà ò pínne:

23 Kū o ka kpé pì kīnaa, o lè gbànŋn tatana gíngin a dākpārinŋn kú kpélelea, ama kū o wè, ódi gbēke lenlo.

24 Kū Luda ɔn dākpārinŋ gbē zōkō kū sa'orikinŋ yā pìi mà, ò bídi kè lán yā pì de nà.

25 Akū gbēke sù à pínne: À ma! Gbē kū a n ká kpésira gūnnŋn kú Luda ɔnn òten yā dañne.

26 Akū Luda ɔn dākpārinŋ kū n gbē zōkōnŋ gèe ò n kūkū ò sù kūñwo yākete sari, zaakū òten vīna ke gbēnne, de òsun n pápa kū gbèeroo yāi.

27 Kū ò sù kūñwo, ò n zé gbānadenn are, akū sa'oriki n lala yāi à pì:

28 O giáre sānsān à yā dañne kū tó pìio, akū a tò yā pì kpé àten da Yurusalemula pínki, akūsō á ye à gbē pì ga yā diwa yá?

29 Akū Pita kū zīri kparanŋ wèmma ò pì: Luda yā mé à kù ò ma de bisāsiri póla.

30 Ó dizinŋ Luda mé à Yesu kū a a lòko lía a dè pìi vù.

31 Luda a sè à vùte a ɔplai Kínane Surabari ũ, de à Isarailanŋ gba zé ò nèse lite à n durunnanŋ kēmma.

³² Yā pīno sèedadenon ó ũ, ókōno kŭ Luda Nini kŭ Luda dī kpá gbē kŭ òdi a yā manɔaao.

³³ Kŭ ò yā pii mà, n pɔ fē manamana, akŭ ò ye ò n dɛdɛ.

³⁴ Farisi kŭ òdi pine Gamalieli kú n té. Lundayādanneriime, gbē sīnda pínki dī a tó nna sí. À fùte à zè à pi ò bo kŭ gbē pīno gĩa.

³⁵ Akŭ à pīne: Isarailano, à laakari ke yā kŭ á ye à ke gbē pīnonɛɛa.

³⁶ Adi gī kero kŭ Tuda fùte àteni a zīda dite a ka. Ò tēi lán gbēnon wàa pla bà. Kŭ ò a dè, akŭ a ìbanɔ fàkōa, akŭ yā làka.

³⁷ A gbera Galili gbē Yudasi fùte gbēno narogɔɔa à gbēno gâte à nàawa dasi. À gà se, akŭ a ìbanɔ fàkōa n pínki.

³⁸ Maten oáre tera, àsun gbē pīno yā daro, à n tó. Tó n pɔyeina kŭ n yákenano bò bisāsiri kīnaame, ani mì dɛ.

³⁹ Tó à bò Luda kīnaame sō, áni fō à kpáñnero. À laakari ke zīkana kŭ Ludaoui.

⁴⁰ Ò a yā mà, akŭ ò zīrinɔ sisi ò n gbē. Ò gīnne ò yā o kŭ Yesu tó, akŭ ò n gbáre.

⁴¹ Zīrinɔ bò gbānadeno kīnaa kŭ pōnnao, zaakŭ ò è ò kà kŭ ò wé'i dańma Yesu tó yāi.

⁴² Lákú gu digō dɔ nà òdigō yā dańne Luda onn kŭ n benɔ, òdigō Yesu baaru nna kpáñne kámmabonaa sari, òdi pi àkūme Arumasihu ũ.

6

Kpanyĩri gbēnon suplanɔ ditɛnaa

¹ Gɔɔ birea kŭ Yesu ìbanɔ ten kara, n Girikiyāmarinɔ ten yáketé ká n Eberuyāmarinɔi

ò pì, tó òtɛn póbɛ kpaatɛ lákū gu dīgō dɔ nà, òdi pā kpá n̄ gyaanɔnɔime.

² Akū z̄iri gbēnɔn kuri awɛɛplanɔ Yesudenɔ sisi n̄ pínki ò pì: À zé vī ò pā kpá Luda yāi ò laakari dɔ póbɛ kpaatɛnaaro.

³ À gōgbēnɔ bo á té gbēnɔn suppla, gbē mana kū ōndō kū Luda Ninio pèkerɛmmanɔ, de ò n̄ dite zī pì gbē zōkōnɔ ū,

⁴ ōni laakari dɔ aduakɛnaaa kū Luda yā'ònnɛnaao.

⁵ Yā pìi kàngu n̄ pínki, akū ò Sitivī kū Luda Nini kū ludanaanikɛnaao pèkerɛaa sè kū Filipio kū Porokoruo kū Nikanɔo kū Timɔo kū Pamenao kū Antiokku gbē Nikola kū à Yudanɔ donyīze sè yāo.

⁶ Ò gèe kūnwo z̄irinɔ kīnaa, akū ò adua kèñne ò ɔ nàríma.

⁷ Luda yā ten dagula, Yesu ibanɔ ten kara Yurusalemu manamana, akū sa'orinɔ Yesu yā si dasi-dasi.

Sitivī kūnaa

⁸ Luda arubarika kū gbānao pèkerɛ Sitivīa, akū àten daboyā kū yābonsarɛnɔ ke gbēnɔ té.

⁹ Aduakɛkpɛ ke kun kū òdi pì zīdadɛnɔ aduakɛkpɛ. N̄ gbēkenɔ bò Sireni kū Alesandario kū Silisia būsuo kū Asia būsuo. Akū ò ibɛrɛe sè kū Sitivīo ò lékpakōa kè kāao.

¹⁰ Ama odi a f̄ro ōndō kū Luda Nini a gbà yāi.

¹¹ Ò té kà gbēnɔn, akū gbē pìnɔ pì: O mà à bò Musa kū Ludao yā kpɛ.

¹² Ò Yudanɔ kū n̄ gbē zōkōnɔ kū ludayādannerinɔ laakarii fùtɛ, akū ò gèe ò Sitivī kù, ò gèe kāao n̄ gbānadɛnɔ kīnaa.

13 Akū ò sù kū sèedade ékeno ò pì: Gbē dí mé àdigō Luda kpé kū a dokao vāni bo lakanaa sari.

14 Zaakū o mà à pì Yesu Nazera ni kpé pì kakate à ó futεokarayā kū Musa dāwεε lite sé.

15 Akū gbānade kū ò vutεna gwenō wé pè Sitivīa ní pínki, ò è a ān de lán malaika ānn bà.

7

Sitivīyā'ona gbānadenε

1 Akū sa'oriki Sitivī là à pì: N yā pìnō ò yāpuran yá?

2 Akū à pì: Ma gbēno kū ma deno, à ma! Luda Gakuride bò à sù ó dizi káaku Ibrahīa goro kū à kú Mesopotamia būsun, zaade à kpé à gé vute Arana.

3 À pìnε: N bo n būsun n daneno té n tá būsū kū mani mōnnεn.

4 Akū à bò Kaladia būsū pìi gūn à gèε à vùte Arana. A de ga gbera Luda sù kāao būsū kū á kun tera dí pìn.

5 Luda dí būsū pì zīte ke kpáa bee gèεε dorō, ama à a lé sènε à pì ani gō a pó ū kū a burino. Goro birea sō Ibrahī né vīro.

6 Luda pìnε lán dí bà: N burino ni nibō ble būsū pānden. Gwen oni zò blen, oni wé tāmma ari wè wāa pla.

7 Luda pì áni wari dō buri kū oni zò bleñnenōa, Ibrahī buri pìnō ni bōte ò su ò donyī keare gu dí pìn.

8 Akū Luda tōzōyā dà Ibrahīne a bàka kunna kāao sèeda ū. Kū à Isaaku ì, à tōō zōñε a goro sōraakōde zī. Len Isaaku kè Yakubunε le dō, akū Yakubu kè ó dizi káaku gbēnon kuri awεεplanōne le se dō.

9 Akū ó dizi káaku pìnŋ nèsɛgõbaa kpà kū ń gbēndo Yusufuo, ò a yà ò tà kǎao Misila. Luda kú kǎao,

10 à a bò a wari sīnda pínki gūn. Luda Yusufu pìi gbà òndõ à tò à nna kū Misila kína Firi'aunao, akū à a dìte Misila bùsu gbē zõkõ ũ kū a be onnwo.

11 Akū nàa kà Misila kū Kanaanŋ bùsuuo pínki. Wari kè zõkõ, ó dizi pìnŋ dí póke le ò blèro.

12 Kū Yakubu mà póblewɛ kú Misila, à ó dizi pìnŋ zì gwe. Ń gɛna káakuden gwe.

13 A gèn pladen Yusufu a zīda mò a vīninŋne, akū Firi'auna Yusufu danenŋ dõ.

14 Akū Yusufu gbē zì a de Yakubua à mó kū a danenŋ ń pínki. Ń pínki gbēnŋn baaakõ akuri awɛɛsɔromɛ.

15 Akū Yakubu gèɛ Misila. Gwen à gàn kū ó dizi pìnŋ ń pínki.

16 Ò sù kū ń gènŋo Sɛkɛmu, akū ò ń vī gbèwɛɛ kū Ibrahī lù mira ũ gūn Amŋ nénŋa à fīnaa bònnɛ kū andurufuuo.

17 Kū lé kū Luda sè Ibrahīne gɔɔ ye à ká, ó buri dasi kú à kàra Misila manamana.

18 Akū kína dufu kū à Yusufu dõro kpata blè Misila.

19 À pāsī kū ó burio à wé tà ó dizinŋa, à tò ò ń nénŋ kòte ò gàga.

20 Gɔɔ birean ò Musa ì a àlesi mana. Ò a gwà a de bea mŋ aakõmɛ.

21 Kū ò a zùkūna, akū Firi'auna nénŋgbē a sè a a gwà a zīda né ũ.

22 Ò Misilanŋ òndõ dà Musanɛ pínki, à gõ gbē zõkõ ũ yǎ'ona kú yǎkenao gūn.

23 Kū à kà wè bupla, à dà a nèseε gūn à gé a Isaraila dakenŋ gwa.

24 Kū à è Misila gbē ten wari dŋ a gbē mèn doa, akū à yā sī a gbēne à fīna bòa à a dè.

25 Kū Luda ye à a gbēnŋ sura ba a gāi, àten da ò dōme, ama ò dōro.

26 Kū gu dŋ, Isaraila gbēnŋn planŋ ten fiti ke, akū a sù à n kpaate à kúte kēnne à pì: Ma gbēnŋ, à kè dera àten wari dŋkōa átēneε?

27 Akū gbē kū àten wari dŋ a gbēndoa ŋ sŋ Musai à pì: Dí mé à n ke kína yāgŋgŋri ūwεεε?

28 N̄ ye n̄ ma de lākū n̄ Misila gbē dè nà gīan yá?

29 Kū Musa yā pìi mà, à bàa lè à tà Midiā būsun. Gwen à négŋgbēnŋ in gbēnŋn pla.

30 Wè bupla gberan malaika bò à sù a gbárannan Sinai kpi sare tariankpā té gūn.

31 Kū Musa daboyā bire è, à bò a sare. Kū à nài à gwa, à Dikiri kòtoo mà à pì:

32 Makūme n̄ dizinŋ Ibrahī kū Isaakuo kū Yakubuo Luda ū. Vīna Musa kū àten lukaluka, adi fŋ à wé sè à gwàro.

33 Akū Dikiri pìne: N̄ n̄ kyate bobo, zaakū gu kū n̄ zen kú adoname.

34 Ma wétamma kū òten mŋ ma gbē kū ò kú Misilanŋne è sānsān ma n̄ ndanaa mà, akū ma su mà n̄ sura ba. Mani n̄ zī Misila sà.

35 Musa kū ò gine yā ò pì dí mé à a kè kína yāgŋgŋri ūnne pīin Luda yā òne malaika kū à bò à sù a tariankpā gūn gāi, à a zī kína kū ani n̄ gbare ū.

36 Akū mé à bò kūnwo à yābonsarenŋ kū daboyānŋ kè Misila kū Isira Tērao kū gbáranna gūnwo wè bupla.

37 Musa pì mé à pì Isarailanŋe, Luda ni n gbēke sé annabi ū lán a bà.

38 Musa pì kú kū gbē kū ò kakarana pìnŋo gbárannan, à kú gwe kú ó dizinŋo kú malaika kú à yā òne Sinai kpi musuo. Àkū mé à yā wèndidenŋo si à kpáwá.

39 Ó dizinŋo dí a yā maro, akū ò giì n laasun èra à tà Misila.

40 Ò pì Harunanē: N tãna kenŋo keweεε ò dowεε are, zaakū Musa kū à ó bôte Misila, ó dŋ yā kū à a lèro.

41 Gŋŋo birean ò tãna pì lán zùsane bŋrŋŋo bà, akū ò sa òa ò dikpe kè pŋ kū ò kè n zĩdane pì yā musu.

42 Akū Luda kpe líñe à tò ò donyĩ kè ludambe pŋnŋe lákū ò kè annabinŋo takada gūn nà ò pì: Isarilanŋo, adi ke makū a sa òma gbárannan wè buplaro.

43 Tãna Mŋleki bizakutan á sena kū susune tãna Refá kū a zeo takao. Dikiri kū a pì a donyĩ kèñnenŋo yāin mani tó ò tá kãáo Babilŋnu dire kpa.

44 Ó dizinŋo Luda bàka kunna kūñwo kuta vĩ gbárannan. Luda a taka mò Musanē, akū ò kè lákū Luda òne nà.

45 Kuta pì gŋ Yŋsuanē kú ó dizinŋo, akū ò sù ò buri kú Luda pèñmañnenŋo būsuu sirmma. Kuta pì kú gwe ari Dauda gŋŋa.

46 Dauda pì nna kú Ludao, akū à wé kèa de à le à kpé bo Yakubu Ludanē.

47 Sulemanu mé à kpé pì bŋne.

48 Ama Luda Musude diğŋ kú kpé kú bisāsirinŋo bŋo gūnlo, lákū annabii ò nà:

49 Dikiri pì:

Musu bi ma kiblegbaame,
 zĩte bi ma tintimmmē.
 Kpé kpate takan áni bomēnēē?
 Mákpan ma kipaki kunn?

⁵⁰ Makū mé ma pó sīnda pínki kèroo?

⁵¹ Ludayādarisarinŋ á ũ! Á nèse vīro! Á sã gbāname! Adìgō gí Luda Ninii adìgō ke lán á dizinŋ bà.

⁵² Annabi kpaten á dizinŋ gí wé tāaii? Ò gbě kū ò gīnake ò Gbē Mana suna yā òo pìnŋ dèdē. Ade pīin a bo a kpe a a dè sà.

⁵³ A doka kū malaikanŋ sùoo sì, ama ádi zĩ ke a yāaro.

Sitivĩ papana kũ gbèeo

⁵⁴ Kū ò yā pīi mà, n pŋ fēi ò saka sòì.

⁵⁵ Akū Luda Nini dīdi Sitivĩa à wé pè ludambea, akū à Luda gakuri è kū Yesuo zena a oplai.

⁵⁶ Akū à pì: À ma! Ma ludambe è wēna, Bisāsiri Né zena Luda oplai.

⁵⁷ Akū ò ŋ tàta n sãa ò wiki gbāna lè, akū ò kùsia lēlēlēlē.

⁵⁸ Ò a gāte ò bŋ kãao wēte kpe, akū òteni a pápa kũ gbèeo de ò a de. Ò n uta zŋkŋnŋ bŋ ò kàte kefenna kũ òdi pinē Solu sare.

⁵⁹ Kū òten Sitivĩ pápa kũ gbèeo lē, à adua kè à pì: Dikiri Yesu, n ma nini sí.

⁶⁰ Akū à kùte à wiki gbāna lè à pì: Dikiri, òsun n durunna dīkĩna daro. Yā bire onaa gberan à gà.

8

¹ Solu kú gbě kũ ò Sitivĩ dènŋ kpe.

Solu wétamma mŋna Yesudenŋne

Zī birean ò nà wétāna sɔsi gbē kū ò kú Yurusalemunɔa manamana. Zīrinɔ baasi ò fàkɔa n pínki Yudea kú Samaria b̀usunɔ gūn.

² Ludayāmari kenɔ Sitivī vī ò a gè ɔɔ d̀ò kú wiki gbānao.

³ Akū Solu kokari kè kú sɔsi gbēnɔ kakatenaao. Àdigõ gē ɔn kú ɔnnwo àgõ gõgbēnɔ kú nɔgbēnɔ kúkū àgõ n gáte à gé à n ká kpésiran.

Baarunnakpana Samaria b̀usun

⁴ Gbē kū ò fàkɔanɔ gèe ò Yesu baaruu kpà gu sīnda pínkin.

⁵ Filipi gèe Samaria b̀usu wēte ken, akū à Arumasihu waazi kèñne.

⁶ Kū gbēnɔ Filipi yā mà, akūsõ ò daboyā kū à kènɔ è, ò laakarīi d̀ò yā kú àten oa kú nèe mèn doo.

⁷ Zaakū gbē kū n tānanɔ gòmma kú wiki gbānaonɔn dasi, akūsõ k̀nɔdenɔ kú erenɔ wèrekɔa dasi.

⁸ Akū ò pɔnna kè manamana wēte pìi gūn.

⁹ Gõgbē ke kú gwe zaa zī òdi pinɔ Simɔ. Àdigõ daboyā ke à bò Samariadenɔ sare, akū à a zīda d̀ite gbē bèereede ũ.

¹⁰ Né fíti gbē zõkõ pínki d̀i laakari d̀o a yāa ò pi: Gbē pì bi gbē kū òdi pinɔ Luda gbāna zõkõdemɔ.

¹¹ Daboyā kū àdigõ ke n té zaa gikena n kú gbāna.

¹² Ama kú ò kpata kú à bò Luda kīnaa baaru kú Filipi kpāñne kú Yesu Kirisi tóoo mà, ò sì, akū ò da'ite kè gõgbēnɔ kú nɔgbēnɔ n pínki.

¹³ Bee Simɔ yā pìi sì à da'ite kè, akū à nà Filipia. Kú à daboyā kú gbāna yā zõkõ kú Filipi ten kenɔ è, yā pìnɔ bò a sare.

14 Kū zīrinŏ mà zaa Yurusalemu Samariadeno Luda yā sì, ò Pita kū Yuhanao zīrma.

15 Kū ò kà gwe, ò adua kèñne de ò Luda Nini le yāi.

16 Ò n da'ite kè yā kū Dikiri Yesu tóo, ama Luda Nini dí didi n gbēkearo.

17 Kū ò ɔ nàrma, akū ò Luda Nini lè sà.

18 Kū Simŏ è ò Luda Nini è kū zīrinŏ ɔnammanaao, akū à sùnne kū ɔgŏ

19 à pì: À ma gba gbāna pì se, de gbē kū ma ɔ nàa ni Luda Nini le.

20 Akū Pita pìne: N ɔgŏ kakate künwo, zaakū nten da ĩni Luda gba lú kū ɔgŏme.

21 N ɔ kú zī pìi gūnlo, n baka kú a gūnlo, zaakū n nèse mana Ludanero.

22 N kpe li n yā vāni pìine n adua ke Dikiria, ke ani sùru ke künwo kū n laasun bire takao gwεε?

23 Zaakū ma è kū sewe zīni kú n gūn, durunna bàa kànne.

24 Akū Simŏ pì: À adua kemene Dikiria de yā kū a ò ke sún ma lero yāi.

25 Kū Pita kū Yuhanao Dikiri sèedaa kè ò a yā dàñne, akū ò èra òten tá Yurusalemu, òten baaru nna kpá Samaria lakutunŏ gūn dasidasi.

Filipi kū Etiopia gbānade keo

26 Dikiri malaika yā ò Filipine à pì: N fute n gé gèno midŏki kpa. N zé kū à bò Yurusalemu à gèe Gaza sé, zé kū à bòte gbārannan.

27 Akū à dà zén. Etiopia gbēke té zé pìn. Etiopia bùsu saraunia kū òdi pìne Kandase begwariime, a aruzeke dākpārinŏ gbē zŏkŏme. À sù à donyī kè Yurusalemu,

28 akū à èra àten tá à vutena a sōgo gūn, àten annabi Isaya takada kyó ke.

29 Akū Luda Nini pì Filipine: N̄ gé n̄ na sōgo direi.

30 Akū Filipi bàa lè à gèe. À mà àten annabi Isaya takada kyó ke, akū à a là à pì: N̄ kyó kū nten ke bokote dō yá?

31 À wèa à pì: Tó gbēke dí a bokotemenero, mani f̄s mà a d̄ro dō yá? Akū à Filipi sisi à gè à vùte a sare.

32 Yā kū àteni a kyó ke p̄in dí:

Lán s̄a kū òten gé a kùtu kpá bà,
lán s̄ane b̄ro kū òteni a k̄a k̄e bà,
à ȳite kp̄en adi lé w̄ek̄s̄aro.

33 Ò wé'i dàa,

odi yākpate ke k̄aao a zéaro.

Dí mé ani f̄s à a ḡro bire yā oo?

Zaakū ò a w̄endii bò andunia gūn.

34 Akū gōgbē p̄i p̄i Filipine: N̄ omene, dí musun annabi yā bire òo? A zīdan yá ke gbē p̄andeme?

35 Naana Luda yā p̄ia Filipi Yesu baaru nna kp̄ane.

36 Kū òten gé are, ò kà í ke k̄inaa, akū gōgbē p̄i p̄i: N̄ í gwa la. Bó mé ani kp̄amene mà da'ite kee?

37 Akū Filipi p̄ine: Tó n̄ yā p̄i s̄i kū nèse mèn doo, ïni f̄s. À wèa à pì: Ma s̄i kū Yesu Kirisi bi Luda Néme.

38 Akū à pì ò gó ze. Akū n̄ pla n̄ p̄inki ò k̄pa ò gè ín. Akū à a da'ite kè.

39 Kū ò bikū bara, akū Dikiri Nini Filipi kp̄agui, gōgbē p̄i dí a e doro, akū p̄onna gūn à dà zéla.

40 Filipi a zīda è ze Azotu, akū à gèe à Yesu baaru nna kp̄a w̄ete kū w̄eteo ari à gèe à kào Sizaria.

9

Yesu bo à suna Solua
(Zĭr 22:6-16, 26:12-18)

¹ Gɔɔ birea sɔ Solu ten pɔ bo a yĭn, àten yā pāsĭ o Dikiri ibanɔ dedena yā musu. À gèe sa'oriki kĭnaa,

² à gbèkaa à lá kē Damasuku aduakεkpedenɔne à kpáawa, de tó à zé pì denɔ lè gwe, gɔgbēnɔ kū nɔgbēnɔ ní pínki, aní ní kūkū à su kūnwo Yurusalemu.

³ Kū à dà zén, àten gé à kà kāni kū Damasukuo, akū kānto gupura bò ludambe à dāmala.

⁴ À bò à lète, akū à kòtoo mà à pìnɛ: Solu, Solu, bó mé à tò nten wé tāmāa?

⁵ Akū à pì: Díme n ũu, Dikiri? Akū à wèa à pì: Makūme Yesu kū nten wé tāa ũ.

⁶ N fute n gē wēte gūn, oni onne yā kū ĩni ke.

⁷ Gbē kū òten gé kāaonɔ gǔ sàii. Ò kòtoo pì mà, ama odi gbēke ero.

⁸ Kū Solu fùte, à a wé wè, akū adi gu ero. Akū ò a kù a ɔa ò gèe kāao Damasuku.

⁹ À kè gɔɔ aakɔ gu'ena sari, adi pɔ blero adi í miro.

¹⁰ Yesude ke kú Damasuku kū òdi pìnɛ Anania. Dikiri yā òne wégupu'ena gūn à pì: Anania. Akū à wèa à pì: Makūn dí, Dikiri.

¹¹ Akū Dikiri pìnɛ: N fute n da zé kū òdi pi Súsun ari Yudasi be onn n Taasu gbē kū òdi pìnɛ Solu gbeka. Àten adua ke gwe.

¹² Wégupu'ena gūn à n e, n su n ɔ nàa de à gu e.

¹³ Akū Anania pìnɛ: Dikiri, ma mà ò gbē pì yā ò dasi, lākū à yā vāni kè n gbē kū ò kú Yurusalemunɔne nà.

14 Sa'orikinŏ a gbà zé à gbě kŭ òteni n sísi lanŏ kŭkŭ. Abire yāin à sù.

15 Akŭ Dikiri pìnε: Ñ gé, zaakŭ ma gbě pìi sè à gé ma tó bo buri pāndenŏne kŭ n kīnanŏ kŭ Isarailanŏmε.

16 Lákŭ ani wétamma le ma tó yāi nà mani mŏne.

17 Akŭ Anania bò à gèε à gè on pìn, à ɔ nà Solua à pì: Solu ma gbě, Dikiri Yesu kŭ à bò à sùmma zén gɔɔ kŭ nten su la, àkŭ mé à ma zī de n gu e Luda Nini summa yāi.

18 Gwe gŏnŏ pó bòte a wén lán kpòtekeε bà ò lète, akŭ à gu è. Akŭ à fùte à da'ite kè.

19 Kŭ à pó blè, à gbāna kŭ.

Solu waazikεna zaa Damasuku

Solu gɔɔ pla kè kŭ Damasuku Yesudenŏ,

20 akŭ à nà Yesu yā waazikεnaaa gŏnŏ Yudanŏ aduakekpεnŏ gŭn, à pì Yesu bi Luda Némε.

21 Yā pìi bò gbě kŭ ò mánŏ sare ò pì: Gbě bire mé adi gbě pìi sísirinŏ ásarū ke Yurusalemu? Àkŭ mé adi su la à n kŭkŭ à tá kŭnwo sa'orikinŏ kīnaaroo?

22 Solu sŏ, a gbāna dīgŏ kara, akŭ a yā Yuda kŭ ò kú Damasukunŏ fù à bìriañne kŭ Yesu bi Arumasihumε.

23 Gɔɔ pla gbera Yudanŏ lédokŏnŏ kei ò a de,

24 akŭ à n lékpakŭsŭnaai pìi mà. Òten wète bīnilenŏ dākpā fānantē kŭ gwāanio de ò a de yāi.

25 Gwāanin Solu gbēnŏ a dà tānkŏn ò a gbàre kŭ bàao bàai bona bīni musu.

Solu waazikεna zaa Yurusalemu

26 Kŭ à kà Yurusalemu, à wète à na Yesudenŏ, akŭ ò vīna kène n pínki, odi a Yesudekεna náani kero.

27 Akū Baanaba a sè à gèe kãao zĭrinŏ kĭnaa, à gbàñne lákū Solu Dikiri è zén nà kū yā kū Dikiri òneeo kū lákū à Yesu yā ò gupuraa nà zaa Damasuku.

28 Akū Solu gè ñ té à kurè kūñwo Yurusalemu à yā ò gbēnŏne kū Dikiri tóo gupuran.

29 Kū à yā ò Yuda Girikiyāmarinŏne à lékpakōa kè kūñwo, akū òten wete ò a de.

30 Kū a gbēnŏ dō, ò zène Sizaria, akū à tà Taasu.

31 Abire gbera sōsi gbē kū ò kú Yudea kū Galilio kū Samaria būsuoŏnŏn kun aafia pínki. Òten gbāna kū òten gé are vĭnakena Dikirinee gūn, òten kara kū Luda Nini ñ nèse kpàteñne yāi.

Ainea werekōanaa

32 Pita di kure wete kū weteo pínki, akū à gèe Luda gbē kū ò kú Lidano gwa.

33 À gōgbē kū òdi pine Ainea è gwe, à kōnŏ kú katena wē soraakō.

34 Akū Pita pìne: Ainea, Yesu Kiriŏ n werekōa. Ñ fute ñ n pè koko. Akū à fute gōnŏ.

35 Lidadenŏ kū Sarŏnudenŏ a è, akū ò lite ò are dō Dikiria.

Tabita vuna gan

36 Nŏgbē Yesude ke kú Yŏpa a tón Tabita, kū Giriki yāo sō Dŏkasi. Tó pìi pì zō. Yā mana kenaa pèkeraa, akūsō àdi takasidenŏ wēnda gwa.

37 Gŏrŏ birean à gyā kè à gà. Kū ò a zú ò, ò a sè ò wùte kpé musu gūn.

38 Yŏpa sō à zā kū Lidaoro. Kū Yesudenŏ mà Pita kú gwe, ò ñ gbēnŏn planŏ zĭa ò wé kèa ò pì: Ñ mó ó kĭnaa likalika.

39 Akū Pita fùte à gèe kūńwo. Kū à kà, ò dīdi kāao kpé pīi musu. Akū gyaanŋŋ nài n pínki kū ɔ́dɔɔ, ò uta kū pókasa kū Tabita kè ɔrɔ kū à kpé kú kūńwonŋ m̀nɛ.

40 Pita pèmma à n bóte bàai. À kùte à adua kè, akū à are d̀ò gèe pīia à pī: Tabita, n fute. Kū à wé wè, à Pita è, akū à vùte.

41 Pita a kù a ɔa à a fùte à a zè. Akū à Luda gbè pīnŋ sīsi kū gyaanŋŋ, akū à a kpàmma bēnɛ.

42 Yā pīi dà Yɔpala pínki, akū ò Dikiri náani kè gwe dasi.

43 Pita ɔrɔ pla kè gwe Simŋ Āna bea.

10

Pita kú Kɔneliu

1 Gbèke kú Sizaria a tón Kɔneliu. Àkūme soza gá kú òdi pī Itali gá gbè zókɔ ū.

2 Gbè pī bi ludayāmariime, àdigɔ Luda vīna vī àpīi kú a bedenŋ n pínki. Àdi gba da manamana, akūsɔ àdigɔ adua ke gèn baaakɔ.

3 Zīkea fānantɛ m̀ò aakɔ à Luda malaikaa è tètɛntɛ wégupu gūn, à gè a bea à pīnɛ: Kɔneliu.

4 Akū Kɔneliu wé wèa kú vīnao, akū à pī: Bómɛɛ, Dikiri? À wèa à pī: N aduakɛna kú n gbadana gbēnŋnɛɔ kà Luda kīnaa, akū à s̀.

5 N gbēnŋ zī Yɔpa sà, de ò Simŋ kú òdi pīnɛ Pita sísi.

6 À kīpa gbè kú òdi pīnɛ Simŋ Āna bea. A be kú ísira léa.

7 Kú malaikaa pīi tà, Kɔneliu a zīkeri gbēnŋn pla kenŋ sīsi kú soza ludayāmari kú à naaao.

8 Kú à yā pīi bàbańne pínki, akū à n zī Yɔpa.

⁹ Kū gu dō, akū ò dà zén, ò kà kāni kū wēte pìio. Goro birea kū ifāntē kà mīdangura, Pita dì kpé musu de à adua ke.

¹⁰ Nà teni a de à ye à pò ble, akū goro kū òten pòble ke à wégupu è.

¹¹ À ludambe è wēkōana, pòke ten kipa lán biza zōkō bà. Bà dōdōna a kusuru mèn siikōna pínki, àten su zīte.

¹² Pó buri sīnda pínki kú a gūn, nòbōnō kū pò kū òdi taa o kū kuaonō kū bānō.

¹³ Akū ò pìne: Pita, ò fute ò de ò só.

¹⁴ Akū Pita pì: Agya Dikiri. Madi tè pò ke pò gbāsī ble zikiro.

¹⁵ Akū à kōtoo pìi mà a gèn plade dō ò pì: Pó kū Luda pì à swáswa, òsun a tè boro.

¹⁶ À kè le gèn aakō, akū kanto ò pò pìi gà ò tào ludambe.

¹⁷ Pita ten bídi ke wégupu kū à è pìia, akū Kōneliu zīri kū ò Simō be gbèkanō kà gēnō, ò zena gānu léa.

¹⁸ Ò lé zù ò gbèka tó gwen Simō kū òdi pìne Pita kīpan.

¹⁹ Ari tera Pita ten laasun lé wégupu kū à èea, akū Luda Nini pìne: Gbēnōn aakōnō teni n gbeka.

²⁰ N kipa ò gé kūñwo sika sari, zaakū makū mé ma n zīmma.

²¹ Akū Pita kīpa à gèe gbē pìnō kīnaa à pì: Makūme gbē kū átēn gbeka ū. Bó yā mé à tò a su laa?

²² Ò pì: Sozanō gbē zōkō Kōneliu mé à ó zī. Gbē maname, à Luda vīna vī. Yudanō pínki dì a tó nna sí. Luda malaikaa pìne à n sísi ò su a bea de à n yā ma.

²³ Akū Pita gè kūñwo onn à n yàrii kè.

Kū gu dò, à fùte à dà kŭńwo zén. Yopa Yesude kenò gèe káao lεεε.

²⁴ A ɔɔɔ aakōden ò kà Sizaria. Kɔneliu a danenò kŭ a gbēna kāninò kākara àteni n̄ dā.

²⁵ Kŭ Pita gè ɔnn, akŭ Kɔneliu gèe à dàale à kùte a are.

²⁶ Akŭ Pita a fùte à pì: N̄ fute n̄ ze. Bisāsirin ma ũ se.

²⁷ Àten yā o káao ari ò gèe ò gè káao kpén, akŭ à gbēnò lè kakarana gwe dasidasi.

²⁸ À pìne: Á dō kŭ Yudanò zé vī ò yākatε kŭ buri pānde ari ò gē n̄ ɔnnlo. Ama Luda mòmene màsun gbēke gbāsī gwa ke mà a tè boro.

²⁹ A yā mé à tò kŭ ò ma sisi, ma su sikaa sari. Má ye mà yā kŭ a ma sisiia ma sà.

³⁰ Akŭ Kɔneliu pì: A ɔɔɔ siikōden dí kŭ maten adua ke ma bea ifántē mò aakō mandara'i. Akŭ kānto ma gbēke è zena ma are à pókasa kŭ àten té ke dana

³¹ à pì: Kɔneliu, Luda n̄ aduakεnaa sì, n̄ gbadanaa kàagu.

³² N̄ gbēnò zī Yopa Simò kŭ òdi pine Pita sísi. À kipa Simò Ána bea zaa ísira léa.

³³ Akŭ ma gbēnò zìmma gònò. Lákŭ n̄ su nà à kè mana. Tera sà ó pínki ó kú la Luda dōnaa gŭn, de ò yā kŭ Dikiri ònne n̄ owεε ma yāi.

Pita yā'onaa

³⁴ Pita nà yā'onaaa à pì: Ma sì yāpura sà kŭ Luda dī gbēke wé gwaro.

³⁵ Buri sīnda pínki té gbē kŭ àten vīna kenε, akŭsō àdi yā mana ke, ade yā mé àdi káagu.

36 Á légbāzā kū Luda kè Isarailanɔne dō, à kena kāao nna Yesu Kirisi gāi baaru nna kpàáne. Àkūme buri sīnda pínki Dikiri ũ.

37 Á yā kū à kè Yudea gu sīnda pínki dō, lākū à nàa nà zaa Galili Yahaya waazikena da'itekena yā musu gbera.

38 Á dō lākū Luda a Nini pìsi Yesu Nazeraa nà, akū à kú kū gbānao à gèe wēte kū wēteo, à yā mana kèáne à gbē kū Ibilisi n ɔ fèáne n kpɛnɔa wèrekōa, zaakū Luda kú kāao.

39 Ókōnɔme yā kū à kè Yudea būsun kū Yurusalemuo pínki sèedadenɔ ũ. Ò a lòko lía ò a dè,

40 akū Luda a vù gan a gɔɔ aakōde zī à tò à a zīda m̀wɛɛ.

41 Adi ke gbē sīnda pínki mé à a èro, sé ókōnɔ kū Luda gīnake à ó sé a sèedadenɔ ũ. A vuna gan gbera o pó blè o í mì kāao.

42 Akū à d̀wɛɛ ò waazi ke gbēnɔne ò oíne kū akāame gbē kū Luda d̀te gbē bēnenɔ kū gyāwāndenɔ pínki yákpatekeri ũ.

43 Annabinɔ pínki a yā ò ò pì gbē kū ò a náani kènɔ durunnanɔ ni kḗmma a tó gāi.

Luda Nini kipana buri pāndenɔne

44 Gɔɔ kū Pita kpé àten yā pì oíne, Luda Nini kipa gbē kū òten yā pì manɔa n pínki.

45 Yā pii bò Yuda Yesude kū ò sù kū Pitaonɔ sare, kū bee buri pāndenɔn Luda a Nini pìsirímma gba ũ yāi.

46 Zaakū ò mà òten yáke buri o òten Luda yābonsare kenanɔ o. Akū Pita pì:

47 Gbē pìnɔ Luda Nini lè lán ó bà. Dí mé ani f̄ à gínne ò da'ite keɛ?

48 Akū à pì ò da'ite keíne kū Yesu Kirisi tóo. Akū ò wé kèa à gɔɔ pla ke kúnwo.

11

Pita buri pādenɔ yā gbāna Yuda Yesudenɔne

1 Zīrinɔ kū Yesude kū ò kú Yudeanɔ mà lākū buri pādenɔ Luda yā sì nà se.

2 Kū Pita sù Yurusalemu, gbē kū ò zè kū tōzōyāonɔ a taari lè

3 ò pì: N gē gyɔɔɔdenɔ bea n pò blè kúnwo.

4 Akū Pita fùte àten yā pì bokoteíne zéazea à pì:

5 Má kú Yɔpame, maten adua ke, akū ma wégupu è. Ma póke è lán biza zókɔ̀ bà, bà dɔdɔna a kusuru mèn siikɔ̀na, à bò ludambe àten kipa ma kīnaa.

6 Ma wé pèa tíii, ma nòbɔ̀nɔ̀ è a gūn, sènte pónɔ̀ kū pò kū òdi taa o kū kùanɔ̀ kū bānɔ̀.

7 Akū ma kòtoo mà ò pìmenɛ: Pita, n fute n de n só.

8 Akū ma pì, agya Dikiri, tē pò kesò pò gbāsī ke dí gē ma lén zikiro.

9 Kòtoo pì bona ludambe gèn plade pì dɔ, pò kū Luda kèkè à gē swáswa, màsun a tē boro.

10 À kè le gèn aakò, akū ò era ò gà pínki ò tào ludambe.

11 Gɔɔ bire gōnɔ̀ gbēnɔ̀n aakò kū ò n zīma bona Sizarianɔ̀ sù on kū má kún.

12 Akū Luda Nini pìmenɛ mà gé kúnwo sikaa sari. Ó gbēnɔ̀ gbēnɔ̀n suddo díkīnanɔ̀ gèe kūmao lèlè se, akū o gē gbē kū à gbē pìnɔ̀ zīma bea.

13 Akū à òwɛɛ lākū a malaikaa è nà, à bò à sùawa a kpén à òare à gbē zī Yɔpa à ma sísi,

14 de mà yā kŭ ani a sura ba oare, akāa kŭ a bedenó ń pínki.

15 Kŭ ma na yā'onaaa, Luda Nini k̀parámma lákŭ à k̀pawá káaku nà.

16 Akŭ yā kŭ Dikiri ò dí d̀magu kŭ à pì, Yahaya gbēnó da'ite k̀è kŭ ío, akāa s̄́ áni ó da'ite k̀e kŭ Luda Ninio.

17 Lákŭ Luda gba dokōnó k̀èné kŭ ókōnó kŭ o Dikiri Yesu Kiri sí náani k̀enó nà, dín ma ũ mà f̄́ mà gí Ludanēē?

18 Kŭ ò yā p̀i mà, odi yāke o doro, akŭ ò Luda t́ b̀ò ò p̀i: O è Luda èra à buri pāndenō gbà zé d̀ò ò nèse lite ò ẁendi kŭ àdi lákaro le.

Antiokudenō zena kŭ Yesuo

19 Wétāmma kŭ à f̀ute Sitivĩ ga gbera mé à tò gbēnó f̀ákōa ò tà Fenisia b̀usun kŭ Sipiru b̀usuu kŭ Antiokuo, òten Luda yā o Yudanōne n̄tēne.

20 Ama ń gbēkenō bi Sipiru b̀usu kŭ Sireni b̀usuu gbēnóne, akŭ ò g̀e Antiokuo òten yā o buri pāndenōne se d̀ò, òten Dikiri Yesu baaru nna kpáíne.

21 Dikiri ten ò darámma, akŭ gbēnó yā p̀i s̀i dasidasi ò are d̀ò Dikiria.

22 Akŭ yā p̀i baaru kà Yurusalemu s̀osi gbēnó k̄inaa, akŭ ò Baanaba z̄́ Antiokuo.

23 Kŭ à kà gwe, à è lákŭ Luda arubarikaa k̀èné nà, akŭ a p̀ò k̀è nna. À lé dàmma ń pínki ò ze kŭ Dikirio kŭ nèse m̀en doo.

24 Baanaba bi gbē maname, Luda Nini kŭ ludaanikenaa p̀ekerēa, akŭ ò kàra Dikiri gbēnó gŭn dasidasi.

25 Akŭ Baanaba g̀e Taasu de à Solu wete.

26 Kū à a lè, akū à sù kāao Antiokū. Òdigõ kakara kū sɔsi gbēnɔ dasidasi ògõ yā dañne ari wè do papana. Antiokū gwen ò Yesu ìbanɔ sɔsin Yesudenɔ ũ káaku.

27 Gɔɔ kùà annabinɔ bò Yurusalemu ò sù Antiokū.

28 N gbē kū òdi pine Agabu fùte à zè à gĩnake à nà zõkõ kū ani ká andunia gūn pínki yā òñne kū Luda Nini gbānao. Kalaudiu kíblena gɔɔn nàa pìi kà.

29 Akū Yesudenɔ zèo ò n gbē kū ò kú Yudeanɔ kámaza ke lákū baadi gbāna kà nà ò kpāzāñne.

30 Akū ò kè le ò Baanaba kū Soluo zìo ò kpá n gbē zõkõnɔa.

12

Yamisi dɛna kū Pita dana kpésiranwo

1 Gɔɔ kùà kína Herɔdu ɔ pète Yesude kenɔa pāsīpāsī.

2 À Yuhana vñi Yamisi dè kū fñedao.

3 Kū à è yā bire kè Yudanɔne nna, akū à èra à Pita kù do. À abirekū kè Burodi Futenasari dikpe zĩme.

4 Kū à Pita kù, à a dà kpésiran à a nà sozanɔne n òi ò a dākpā. Soza pìnɔ gā do bi gbēnɔn siisiikõme leu siikõ. À díte à yākpate ke kāao gbēnɔ wára Vĩnla dikpe gbera.

5 Akū ò Pita kùna kpésiran, ama sɔsi gbēnɔ ten adua kene zɛnaa sari.

Pita bona kpésiran

6 Zĩ kū tó gu dè kù Herɔdu ni bo kāao, zĩ birea gwāanin Pita ten i o soza gbēnɔn planɔ dagura yĩna kū m̀kākõanaao m̀n pla, akūsõ gbēnɔn planɔn kú kpélelea òten kpé pì dākpā.

7 Kānto gǝnȮ Dikiri malaikaa gǝ gwe, akū kpé pì pura kù. À Pita lè a gbàntereεεa à a vù à pì: Ñ fute likalika. Akū mòkakōanaa pìnȮ bòte a Ȯa.

8 Akū malaikaa pì pìnε: Ñ n uta da ñ n kyate kpá. Pita kè εε, akū malaikaa pì pì: Ñ n uta kakara ñ kū ñ témai.

9 Akū Pita bò à tèi. Adi yā kū malaika ten kenε dō yāpura ūro, àten da áten nana omε.

10 Ò gǝte gudākpāri káakula kū a pladeo, akū ò kà bīnilea. Bīnile pì gbà bi m̀Ȯme, akū à wǝ́nne kū a zīdao. Ò bòte òten gǝ wǝten, akū gwe gǝnȮ malaikaa pì Pita tò zéda gūn.

11 Kū Pita wé kè à pì: Má dō sānsān sà kū Dikiri a malaikaa zī de à ma bo HerȮdu Ȯī kū yā kū Yudano wé dȮi ò kemeneo pínki.

12 Kū a laakarīi sù, à gǝε Yuhana kū òdi pine dȮ Maaku da Mariama bea. Ò kakarana gwe dasidasi òten adua ke.

13 Kū à gānu gbà lè, akū nȮgbǝ zīkeri kū òdi pine Roda gǝε gwa.

14 Kū à Pita kòtoo dō, pȮnna gūn adi zé wǝro, à bàa lè à èra à gǝε à pìnne Pita ze kpélelea.

15 Ò pìnε: Īa ten kámman yá? Akū à zèo kū yāpuramε. Akū ò pì: A malaikaame.

16 Pita kpé àten gbà lé. Kū ò wǝ, ò a è, akū yā pì b̀ò ñ sare.

17 Akū à Ȯ kè́nne yáku ò yīte, akū à bàbánne lákū Dikiri a bo kpésiran nà. Akū à pì: À gé à o Yamisine kū ó gbǝ kparano. Akū à bò à gǝε gu pāndea dȮ.

18 Kū gu d̀ò, zuka gbāna kà sozano dagura òten kō lala: Bó mé à Pita lèe?

19 Herɔdu pì ò a wete. Kū odi a lero, akū à yā lāla gudākparii pìnɔa, akū à pì ò n̄ dede.

Herɔdu ganaa

Abire gbera Herɔdu bò Yudea à gèe à gɔɔ pla kè Sizaria.

20 À pɔ fè Tayadenɔ kū Sidōdenɔi manamana, akū gbē birenɔ lédokɔnɔ kè ò sù a gwa leelee. Ò gèe kina pì begwari Blasatu kīnaa. Kū Blasatu n̄ yāze è, ò gèe lédokɔnɔ ke kū Herɔduo, zaakū n̄ b̄usu pòble dì bo a b̄usumme.

21 Kū gɔɔ kū ò dìte kà, Herɔdu a kible'utanɔ dà à gèe à vùte a tintinnwa, akū à yā ò gbēnɔne.

22 Gbēnɔ wiki lè ò pì: Luda ke mé àten yā o, adi ke bisāsirinlo.

23 Gwe ḡnɔ Dikiri malaika a lè à a nè, kū adi z̄k̄ke d̄s Ludanero yāi, akū a m̄e kòkɔ kà à gà.

24 Luda yā tén dagula àten kara.

25 Baanaba kū Soluo s̄s, kū ò n̄ kāmaza yā kèke ò làka, ò bò Yurusalemu ò Yuhana kū òdi pinε Maaku sè ò tà k̄ao.

13

Baanaba kū Soluo z̄inaa

1 Annabinɔ kū yādannerinɔn kú Antioku s̄si gbēnɔ té, n̄ t̄n Baanaba kū Simeɔ kū òdi pinε Bárasirao kū Sireni b̄usu gbē Lusiuo kū Manε kū à né blè kū kina Herɔduo leelee kū Soluo.

2 Gɔɔ kū òten donyī ke Dikirinε kū léyīnaao, Luda Nini pì: À Baanaba kū Soluo dìte ndona zī kū ma n̄ séa yāi.

3 Kū ò lé yī ò adua kè, akū ò ɔ didir̄ma ò n̄ gbáre, ò dà zén.

Kunna Sipiru b̀sun

4 Kū Luda Nini Baanaba kū Soluoo zĭ ɛ, ò g̀ɛɛ Selusia. Zaa gwe ò g̀ɛ gó'iten ò g̀ɛ Sipiru b̀sun.

5 Kū ò kà Salami, ò Luda yā waazi kè Yudanɔ ad-uakekpenɔ g̀n. Yuhana Maaku kú kúnwo kpányiri ũ.

6 Ò g̀ɛɛ luan pila ari Pafɔ, akū ò kpàkū kū Yuda dabokeri kú à de annabi éke ũo gwe. A tón Yesunɛ.

7 Àdigɔ kú kū b̀suu pì gbē zɔkɔ Segiu Pɔluo. Gbē zɔkɔ pì bi ɔndɔriime, akū à Baanaba kū Soluo sisi kú à ye à Luda yā ma yāi.

8 Dabokerii pì tón Elima kū Giriki yāo. À iberɛɛ sè kúnwo, àten wete à gbē zɔkɔ pì sā vú de àsun Yesu náani kero yāi.

9 Akū Solu kú òdi pi dɔ Pɔlu, Luda Nini didia, akū a wé pè Elimaa à pì:

10 Ibilisi néno doke keme n ũ! Mana sĭnda pínki kparaside! Bisásiri kú yā vāni sĭnda pínki p̀kɛɛa! Wézēri pāsĭ! Īni Dikiri zé súsú litena kpɛdangara tóroo?

11 Tera sà Dikiri ni ɔ kútemma de ò vĭna kú. Īni gɔɔ pla ke kú ifántē'enaao. Gwe g̀nɔ Elima wé g̀ɔ dāadāa, gusira kùtea. Akū àten ɔ mátamate à gbē wete à a ɔ kú.

12 Kú gbē zɔkɔ pì yā kú à kèe pìi è, à Dikiri náani kè, zaakū Dikiri yā kú Pɔlu dàne a kù gbāna.

Kunna Antiɔku kú à kú Pisidia b̀sun

13 Akū Pɔlu g̀ɛ gó'iten kú a gbēnɔ ò b̀ Pafɔ ò g̀ɛɛ Pɛga, Pamfilia b̀sun. Gwen Yuhana Maaku n tón à èra à tà Yurusalemu.

14 Bona Pɛga ò g̀ɛɛ Antiɔku kú à kú Pisidia b̀sun. Kámmabogɔɔ zĭ ò g̀ɛɛ ò vùte aduakekpen.

15 Doka kŭ annabinŏ takadanŏ kyókēnaa gbera aduakekpē gbē zōkōnŏ gbē zī à pìnnē: Gbēnŏ, tó á karana yáke vī à o gbēnŏnē, à o.

16 Akū Pōlu fùtē à ɔ kēńnē à pì: Isarailanŏ kŭ buri pānde donyīrinŏ, à ma yā ma.

17 Isarailanŏ Luda ó dizinŏ sè, akū à ń buri kàra kŭ ò kú Misila bŭsun. Akū à bò kŭńwo gwe kŭ a gbāna zōkōo.

18 À ń gwa gbárannan lán wè bupla taka bà.

19 À gbāna blè Kanaanŏ bŭsu buri mèn supplanŏa, akū à ń bŭsuu pìi kpàńma.

20 A pínki kà wè wàa pla kpé bupla akuri taka bà. Abire gbera à yāgōgōrinŏ dītēńnē ari à gèē pé annabi Samuelia.

21 Kŭ ò kína gbèka, akū Luda Kisi né Solu, Biliaminu buri dītēńnē. À kpata blè wè bupla,

22 akū Luda a bò kpatan à Dauda kà a gēnē ũ. Luda Dauda yā ò à pì a lè Yese né Dauda laasun pō kèare, ani a poyeina pínki yā kemē.

23 A buri gŭn à Yesu bòn Isarailanŏnē Surabari ũ lākŭ à a lé sè nà.

24 Ari Yesu pì gō gé su Yahaya gĩnake à waazi kè Isarailanŏnē ń pínki, à òńnē ò ń nēse lite ò da'ite kē.

25 Kŭ Yahaya zī ye à láka à pì: Dín átēn da má de a ũu? Gbē kŭ átēn wé dōin ma ũro. À ma! Ade tēn su ma gbera, mádi ká mà a kyate bobonero.

26 Ma gbēnŏ, Ibrahī burinŏ kŭ buri pānde donyīrinŏ, ókōnŏn Luda surabana yā díkĩna kpázāwēre.

27 Yurusalemudenŏ kŭ ń gbānadenŏ dí Yesu dōro, odi annabinŏ takada kŭ òdigō a kyó kē kámmabogōrŏ

zĩ pĩnki zé d̄sro, akū ò tò annabii pìnɔ yā pàpa ò yā d̄aala.

²⁸ Odi yāke lea kū à kà ò a d̄ero, akū ò wé kè Pilatia de ò a d̄e.

²⁹ Kū ò yā kū ò kè a yā musu kè pĩnki, ò a k̄pa lía ò a wùte miran.

³⁰ Ama Luda a vù bona gan.

³¹ A ḡɔɔ pla kenaa gūn à bò à sù gb̄e kū ò bò Galili ò ḡe k̄aaɔ Yurusalemunɔa. Mók̄n̄ɔm̄e a s̄edadeno ũ gb̄en̄ɔne.

³² Ók̄n̄ɔ s̄ɔ, o su a baaru nna kp̄ááre. Lákū Luda lé s̄e ó dizin̄ɔne nà

³³ à kè ók̄n̄ɔ kū ó de n̄ buri ũn̄ɔne, à Yesu vù lán ò ò Zabura plade gūn nà. Luda p̄i:

Ma néme n ũ,
gb̄āran ma n i.

³⁴ Adi yagi kero, ama Luda a vù bona gan lákū Luda ò nà yā à p̄i:

Mani kúadona arubarika keáre yāpura

lákū ma ò Daudane nà.

³⁵ Akū ò ò gukea d̄ɔ ò p̄i:

Ĩni we n gb̄e kū à kú adona yagi kero.

³⁶ Dauda s̄ɔ à Luda p̄yenyĩnaa kè a ḡɔɔa, à gà ò a mira kp̄akūsū kū a dizin̄ɔ p̄ɔo, akū à yagi kè.

³⁷ Gb̄e kū Luda a vù bona gan p̄i dí yagi kero.

³⁸ Ma gb̄en̄ɔ, àḡɔ d̄s kū durunnano k̄emmana waazi kū óten keáre bò Yesu ḡaime.

³⁹ Musa doka dì f̄ɔ à tò Luda yā bo kũnwɔ nnaro, ama Luda dì tó yā bo kū gb̄e kū óten Yesu náani kenɔ nna a pĩnki gūn.

⁴⁰ À laakari ke, de yā kū annabin̄ɔ ò sún á lero

⁴¹ ò p̄i:

À ma, ák̄n̄ɔ lalandikerin̄ɔ,

à ke g̃iri à kakate,
 zaakū mani yāke ke á g̃ɔɔa.

Bee tó ò òáre, áni síro.

42 Kū Pɔlu kū Baanabao ten bote aduakekpen, ò wé kèmma ò era ò su yā pì oñne kámmabog̃ɔɔ lāa dɔ.

43 Kū òten fākōa, Yudanɔ kū gbē kū òdi donyī ke kúnwono bò ò tē Pɔlu kū Baanabaooi dasi. Ò yā òñne ò lé dàmma, de òg̃ō gé are kū gbēke kū Luda kēñneo.

44 Kámmabog̃ɔɔ lāa wētedenɔ kākara n̄ pínki ò sù Dikiri yā ma.

45 Kū Yudanɔ pari è le, ò nēsēg̃ōbaa kpà manamana, akū òten Pɔlu yā éke bo òteni a sōsō.

46 Akū Pɔlu kū Baanabao yā òñne kū swēgbānao ò pì: Ákōnon à kù ò Luda yā oáre káaku g̃ia. Zaakū a gii átēn da ádi ká à wēndi kū àdi lākaro lero, óni era ò are dɔ buri pāndenɔa sà.

47 Zaakū Dikiri yā dí dītewere à pì:

Ma n dite gupura ũ buri pāndenone,
 de n gé kū surabana yāo ari zīte léa.

48 Kū buri pāndenɔ yā pìi mà, n̄ pɔ kè nna ò bèere li Dikiri yāne, akū gbē kū Luda n̄ díte wēndi kū àdi lākaro pó ũno Yesu náani kè.

49 Akū Dikiri yā dà būsuu p̄ila pínki.

50 Yudanɔ ɔ zō buri pānde nɔgbē donyīri bèerēdenɔi kū wēte gbānadenɔo, akū ò wé tã Pɔlu kū Baanabaoa ò pèmma n̄ būsun.

51 Ò lukutē kpùkekpuke n̄ gbānao n̄ tona kū Luda sèda ũ, akū ò gèe Ikoniu.

52 Yesudenɔ sō, Luda Nini pèkeremma kū ponnao.

14

Kunna Ikɔniu

¹ Ò kè Ikɔniu lákū òdi ke nà, ò gè Yudanɔ ad-uakεkpen ò yā ò ari Yudanɔ kū buri pāndenɔ Dikiri náani kè dasidasi.

² Akū Yuda kū ò gì yā pì síinɔ buri pāndenɔ sã vù Yesudenɔne ò ibεεε sè kūńwo.

³ Bee kū abireo Pɔlu kū Baanabao gɔɔɔ pla kè gwe ò Dikiri yā ò kū swègbānao, akū Dikiri n gbá zé ò sèedanɔ kū daboyānɔ kè, kū à yāpura kpà a gbēkεyā kū òten oa.

⁴ Akū wētedenɔ kèkékɔa, gbēkenɔ zè kū Yudanɔ, gbēkenɔ sã kū zĭrinɔ.

⁵ Akū Yudanɔ kū buri pāndenɔ kū n gbānadennɔ zèò ò wé tām̃ma ò n pápa kū gbèeo.

⁶ Kū Pɔlu kū Baanabao n yā d̃, akū ò bàa s̃ ò tà Likaonia bùsu wētennɔ gūn, Lisitira kū Debio kū n lakutunɔ.

⁷ Akū ò kpé òten baaru nna pì kpáinne gwe.

Kunna Lisitira

⁸ Gɔgbē ke kú Lisitira a gbánɔ íbana. Zaa lákū ò a ò nà ερεεε, adi táa o zikiro.

⁹ Àten sã kpá Pɔlu yāi, akū Pɔlu wé pèa tíii, à è a ludanaanikenaa kà à a werekɔa,

¹⁰ akū à p̃ne kū kòto gbānao: Ñ fute ñ ze n gbáa. Akū à ṽ à zè à nà táa'onaa.

¹¹ Kū gbēnɔ è lákū Pɔlu kè nà, akū ò wiki kàkara kū Likaonia yāo ò p̃i: Tānanɔ lì bisāsirinɔ ũ ò k̃ipawá.

¹² Ò t̃ kpà Baanabane Zusu, Pɔlu s̃ εmesi kū àkū mé àdi doñne arε kū yā'onaa yāi.

13 Zusu pì kpé kú wēte kpe, akū a gbàgbarii sù kū zùsa kū ò lávu zāblebɔɔ kèñnenɔ wēte bīnilea. À ye gbēnɔ sa oo zìrinɔa.

14 Kū Baanaba kū Pɔluo yā pìi mà, ò n utanɔ gàga ò kèkè, akū ò sù gbēnɔ té kū wikio

15 ò pì: Gbēnɔ, bó yā mé à tò áten ke lee? Bisāsirinɔn ó ũ se lán á bà. Baaru nnan óten kpááre, de à kpe li pó gina dínɔne à are dɔ Luda Wèndidea. Àkū mé à musu kè kú zīteo kú ísirao kú pó kú ò kú a gūnnɔ pínki.

16 À buri sīnda pínki tò yā ò n zīda zé sè.

17 Bee kū abireo à a zīda m̀áre yāmanakenaa gūn. Àdi tó legū maáre de à pó kè a gɔɔa. Àdi á gba p̀ble dasi de àgɔ kú ponna gūn.

18 Bee kū yā bire onaa, gbāna kū gbānao ò gbasa ò g̀i gbēnɔne ò sa omma.

19 Akū Yudanɔ bò Antiɔku kū Ikɔniuo ò sù ò gbēnɔ sã vù. Akū ò Pɔlu p̀pa kú gbēeo ò a g̀ate ò bò k̄ao wēte kpe, òten da à g̀ame.

20 Kū Yesudenɔ k̀akarai, akū à f̀ute à g̀è wēte gūn. Kū gu d̀, àpii kū Baanabao g̀è Debi.

Zìrinɔ tana Antiɔku

21 Kū ò baaru nna kp̀áñne wēte p̀i gūn, ò gbēnɔ lè dasidasi. Akū ò era ò g̀è Lisitira kú Ikɔniuo kú Antiɔkuo,

22 òten Yesudenɔ gba gbāna, òten lé daríma ò wé tã Yesu náanikenaaa ò p̀i: Séde ò wari ke manamana, gbasa ò g̀e kpata kú à bò Luda kínaa gūn.

23 Ò gbē z̀k̀ɔnɔ d̀iteñne sɔsi kú sɔsio, akū ò adua kèñne kú léyinao ò n ná Dikiri kú ò a náani kè oĩ.

24 Kū ò b̀̀te Pisidia b̀̀su kpa, akū ò kà Pamfilia b̀̀sun.

25 Ò Luda yā ò Pega, akū ò g̀̀e Atalia.

26 Gwen ò g̀̀e g̀̀'itēn ò tà Antioku, gu kū ò n ná Ludanē a ɔ̄ yā, de à gb̀̀ke k̀̀nne zĩ kū ò k̀̀ ò làka tera yā musu.

27 Kū ò kà, ò s̀̀si gb̀̀nɔ kàkara ò yā kū Luda k̀̀nne gb̀̀nne pĩnki, lákū à buri pāndenɔ gbà zé ò a náani k̀̀ nà.

28 Akū ò gɔɔ pla k̀̀ kṹwo gwe.

15

Yag̃g̃na Yurusalemu

1 Gb̀̀kenɔ b̀̀ Yudea ò s̀̀ Antioku, akū ò yā dà Yesudenɔne ò pì: Tó ádi t̄̄ z̄̄ lákū Musa dìte nàro, áni surabana lero.

2 Pɔlu kū Baanabao zuka kànyĩ ò lékpak̄sa k̀̀ kṹwo manamana yā pì musu. Akū Yesudenɔ z̀̀o Pɔlu kū Baanabao kū n gb̀̀kenɔ gé Yurusalemu de ò yā pì g̃g̃ kū z̀̀rinɔ kū gb̀̀ z̄̄k̄nɔ.

3 Ò g̀̀e ò z̀̀nne, akū ò b̀̀te Fenisia kū Samario b̀̀su kpa. Ò buri pāndenɔ ǹ̀selitena yā bàba n gb̀̀nɔne gwe, akū n pɔ k̀̀ nna manamana.

4 Kū ò kà Yurusalemu, s̀̀si gb̀̀nɔ kū z̀̀rinɔ kū gb̀̀ z̄̄k̄nɔ gb̀̀nake kpànyĩ, akū ò yā kū Luda k̀̀nne pĩnki baaruu kpànne.

5 Akū Farisi Yesude kenɔ f̀̀te ò pì: Séde buri pāndenɔ t̄̄ z̄̄, ò ónne òg̃ Musa doka kūna.

6 Akū z̀̀rinɔ kū gb̀̀ z̄̄k̄nɔ k̄ kàkara òten yā pì gwa.

7 Kū yāgōgōnaa gbàna kù, Pita fùte à pìnnε: Ma gbēno, á dō kù Luda ma dite á té à gù kè, de buri pāndenŋ Yesu baaru nna ma ma lén ò a náani ke.

8 Luda gbē sīnda pínki nèεe dō, akū à n gbá a Nini n sinaa sèeda ũ lākū à ó gbá nà.

9 Luda dí n dite dodo kù ókōnoro. À n nèεεe pìpínne kù ò Yesu náani kè yāi.

10 Bó yā mé à tò áten Luda lé áten gwa teraa? Aso kù ó dizinŋ fùa ò sé kù ókōnŋn á ye à diinne yá?

11 Lenlo! Ó sù kù óni surabana le Dikiri Yesu gbēke yāi lán mókōnŋ bà se.

12 Gbēno kè kítikiti n pínki, akū ò sá kpà Baanaba kù Pɔluooi, òten sèedanŋ kù daboyā kù Luda kè n gāi buri pāndenŋ ténŋ oñne.

13 Kū ò yā ò ò làka, Yamisi fùte à yā ò à pì: Ma gbēno, à ma yā ma.

14 Simŋ ò lākū Luda wé pā buri pāndenŋla káaku nà à gbēno sè n té a pó ũ.

15 Annabinŋ yāno kō sè kù abireo, zaakū ò pì:

16 Abire gbera mani era mà su mà Dauda bezī bo, mani a guforo keke mà tata mà a fute,

17 de bisāsiri kparanŋ ma ki wete, buri pānde gbē kù ma tó kúmma pìno n pínki. Dikiri kù áten yā pì ke mé à ò,

18 àkū mé à tò ò yā pì dō zaa káaku.

19 A yā mé à tò ma è à mana ò yā kù à zī'ũ dite buri pānde kù òten are dŋ Ludaanŋero.

20 Ò takada kēne ò mì kē tāna póblea kù pāpākenaao kù nōbo kūtukpanasario kù aruo.

21 Zaakū à gù kè kù òdigō Musa takada kyó ke aduakekpēno gūn kámmabogoro zī pínki òdigō a doka waazi ke wete kù wēteŋo.

Gbēno zīna buri pānde Yesudenɔa

22 Akū zīrinɔ kū gbē zōkōnɔ kū sɔsi gbēno pínki zèo ò gbēno bo n̄ té ò n̄ zī Antiokku kū Pɔluo kū Baanabao. Akū ò n̄ arɛde kenɔ bò, Yudasi kū òdi pinɛ Baasaba kū Silasio.

23 Ò n̄ zī kū takadao, yā kū ò kè a gūnn dí:

Ókōnɔ zīrinɔ kū gbē zōkōnɔ o fɔ kpà ákōnɔ ó gbē kū ò de buri pānde ūnɔa zaa Antiokku kū Siria būsuuo kū Silisia būsuuo.

24 O mà ó gbēkenɔ gèe á kīnaa ó lé sari, ò á nèsee yàkaáre ò á dá bídin n̄ yā'onaa gūn.

25 Akū o lédokōnɔ kè o zɛo kū ò gbēno bo ò n̄ zīáwa kū ó gbē yenyīdenɔ Baanaba kū Pɔlu

26 kū ò gí n̄ wëndiii ó Dikiri Yesu Kirisi tóbona yāiio.

27 A yā mé à tò óten Yudasi kū Silasio zīáwa, de ò yā kū o kè takadan oáre kū léo.

28 Zaa kū Luda Nini kū ókōnɔ o zɛo òsun aso ke diáreɔ, séde pɔ kū à zé vī dīkīnanɔ.

29 À mì kē nòbɔ kū ò sa òo tānaaa kū aruo kū nòbɔ kùtukpanasario kū pāpākenaa. À mana à mì kē adinɔa. Ò kō e aafia!

30 Akū ò n̄ gbáre ò gèe Antiokku. Ò sɔsi gbēno kākara n̄ pínki, akū ò takada pìi kpámma.

31 Kū ò a kyó kè, akū n̄ pɔ kè nna manamana kū nèseyīdakūna yā pìio.

32 Yudasi kū Silasio bi annabinɔme, akū ò lé dà n̄ gbē pìnɔa manamana ò n̄ gbá gbāna.

33 Kū ò gɔɔ pla kè gwe, Yesudenɔ lé zàmmma, akū ò tà n̄ zīrinɔ kīnaa aafia.

34-35 Pɔlu kū Baanabao gè Antiokku. Kū gbē dasi pāndenɔ ò Dikiri yā dàñne, ò baaru nna kpáñne.

Pɔlu kũ Baanabao kĕkɔanaa

³⁶ Gɔɔɔ pla gɛra Pɔlu pì Baanabane: Ò era ò gé ó gbĕnɔ gwa wĕte kũ o Dikiri yã waazi kèn yãnɔ gũn, ògɔ dɔ lákũ ò kun nà.

³⁷ Baanaba ye à Yuhana Maaku sé à gé kũńwo,

³⁸ akũ Pɔlu ten da à mana ò gbĕ kũ à kĕńma Pamfilia à gì ténýĩ n̄ zĩ gũn sé doro.

³⁹ Kũ odi kɔ yã maro, akũ ò kĕkɔa. Baanaba Maaku sè ò gè gó'iten ò gĕe Sipiru.

⁴⁰ Akũ Pɔlu Silasi sè. Yesudenɔ n̄ ná Dikirine a ɔĩ de à gbĕke kĕńne, akũ ò dà zén,

⁴¹ ò gĕte Siria kũ Silisiaola ò sɔsi gbĕnɔ gbà gbãna.

16

Pɔlu wĕtegena kũ Timɔtio kũ Silasio

¹ Pɔlu kà Debi kũ Lisitirao. Gwen Yesude ke kun a tón Timɔti. A da bi Yuda Yesudemε, a de sɔ bi Girikimε.

² A tó nna Yesude kũ ò kú Lisitira kũ Ikɔniuonɔ kĩnaa.

³ Pɔlu ye à gé kãao, akũ a tɔɔ zòne Yuda kũ ò kú wĕte pìnɔ gũnnɔ yãĩ, zaakũ n̄ pínki dɔ kũ a de bi Girikimε.

⁴ Wĕte kũ ò gĕen pínki, ò yã kũ zĩrinɔ kũ gbĕ zɔkɔnɔ dìte Yurusalemu ò sɔsi gbĕnɔne ògɔ kũna.

⁵ Akũ òten gbãna kũ n̄ ludanaanikĕnaa gũn òten dasi kũ lákũ gu dígɔ dɔ nà.

Pɔlu wĕgupu'ena Toroasi

⁶ Luda Nini gĩnne ò gé Luda yã o Asia bùsun, akũ ò gĕte Firigia kũ Galatia bùsunɔola.

⁷ Kũ ò kà Misia bùsu lén, ò ye ò gĕ Bitinia bùsun, akũ Yesu Nini dí weńnero.

⁸ Kū ò gè̃te Misia bùsula, akū ò kà Toroasi.

⁹ Gwāani Pɔlu Masedonia bùsu gbēke è zena wégupu'ena gūn, àten kúte kenε à pì: Ñ bikū ñ su ó kīnaa Masedonia ñ kpawái.

¹⁰ Kū à wégupu è le, akū o Masedonia soru kè gòno, zaakū o d̃s̃ sà kū Luda mé àteni ó sísi ò gé baaru nna kpáñne.

Lidia Yesu zé senaa

¹¹ Akū o gē gó'iten Toroasi o m̀i pè Samɔtarasia. Kū gu d̀o o ka Neapoli.

¹² Bona gwe o γε Filipi. Àkūme Masedonia bùsu kpado pì wéra ũ, kū Romudenon vī. Akū o gɔɔ pla kè wēte p̀i gūn.

¹³ Kám̃mabogɔɔ zī o bo wēte kpe o γε swa sare, gu kū o mà aduakeki kunwa. Akū o vute o yã ò noḡbē kū ò kakarana gwenε.

¹⁴ Noḡbē ke kú gwe òdi pine Lidia. Tiatira gbēme, biza wé tēra búgu ylariime, akūs̃ Luda donyīriime. Àten yã kū Pɔlu ten o ma, akū Dikiri a swēε wēne à yã p̀i s̀i.

¹⁵ À da'ite kè kū a bedenɔ, akū à wé kèwá à p̀i: Tó a ma Dikiri náanikenaa s̀i, à m̀ó à kipa ma bea. Akū o a yãze è.

Pɔlu kū Silasio dana kpésiran Filipi

¹⁶ Zikea kū óten gé aduakεkia, o dakare kū z̀noḡbē kū à ml̀è tãna ṽio. A dikirino dì ɔɔ le manamana a ziyá'onnenaa musu.

¹⁷ Akū à bò à téwái, ók̃no kū Pɔluo, àten wiki lé à p̀i: Gbē d̃no bi Luda Musude z̀b̃lerinome, óten surabana zé kpàkpa keáre.

18 Àdigõ ke le lán gu òigõ dõ nà, akū Põlu kpàsa kàao. À litè à pì tãna pìine: Ma ònne kū Yesu Kirisi tso ò goa. Akū à gòà gòno.

19 Kū a dikirinõ dõ òn àrelena a yã musu wédõinaa làka, akū ò Põlu kū Silasioo kù ò òn gáte ò gèe kúnwo gbãnadeno kĩnaa ete gũn.

20 Ò gèe kúnwo yãkpatekerinõ kĩnaa ò pì: Gbẽ díno bi Yudanõme, òteni ó wète yakawere.

21 Futεokarayã kū ókõno Romudeno doka gù ò sí ke ò ken òten dañe.

22 Pari fùteñyĩ, akū yãkpatekeri pino pì ò òn póno borõma ò òn léle gòoo.

23 Kū ò gbẽna mana kèñne, akū ò òn dá kpésiran ò pì kpé pì dãkpãriine à òn dãkpã manamana.

24 Kū ò òne le, akū à òn dá kpé tú à òn gbãno yì lía gíngin.

25 Lizãndo gũn Põlu kū Silasio ten adua ke òten lè sí Ludane, gbẽ kparano ten sã kpá òn yã.

26 Kãnto zĩte yìgãyĩgã kū gbãnao ari kpé pì gbõno kè gùri. Gwe gòno a gbàno wèwè pínki, akū purusunano mòkakõananõ bòterõma pínki.

27 Kū kpé dãkpãrii pì vù, à gbàno è wèwèna pínki, akū à a fènda wòto à ye à a zĩda de, zaakū àten da purusunano bàa sìme.

28 Akū Põlu pùtã kū kòto gbãnao à pì: Òsun n zĩda kari boro. Ó kú la ó pínki.

29 Kpé dãkpãrii pì pì ò mó fitilao, akū à sì òn té kù bàao à kùte Põlu kū Silasio are àten lukaluka.

30 À bò kúnwo bàai, akū à pì: Marenõ, deran mani ke mà surabana lee?

31 Ò pìnɛ: Ñ Dikiri Yesu náani ke ĩni surabana le, məkɔn kũ n bedenɔ á pínki.

32 Akũ ò Dikiri yā ònɛ kũ a bedenɔ n pínki.

33 Lizāndo kũa kpé dākpārii pì n sɛ à gèɛ à n bònɔ pìpińne, akũ à da'ite kè gònɔ kũ a gbɛnɔ n pínki.

34 Akũ à gè kũńwo a bea à póbɛ kèńne. Àpii kũ a bedenɔ, n pɔ kè nna manamana kũ ò Luda náani kè yāi.

35 Kũ gu dò, yākpatekerinɔ dogarinɔ zĩ ò gé onɛ à gbɛ pìnɔ gbare.

36 Akũ kpé dākpārii pì pì Pɔlunɛ: Yākpatekerinɔ gbɛnɔ zĩma de mà á gbare. À bɔte à tá aafia.

37 Akũ Pɔlu pì dogarii pìnɔnɛ: Ò ó gbɛ gbɛnɔ wára yākpatekena kũoo sari ò ó dá kpésiran, ókɔnɔ kũ Romudenɔn ó ũ. Tera sà ò ye ò ó bɔte asiri gũn yá? O'o! Oi! Séde ò su ò ó bɔte n zĩda.

38 Dogarii pìnɔ yā pì gbā yākpatekerinɔnɛ. Kũ ò mà Romudenɔme n ũ, akũ vĩna n kũ.

39 Akũ ò sù ò kúte kèńne ò n bɔte kpésiran, akũ ò wé kèńma ò bońne n wɛte gũn.

40 Kũ ò bɔte kpésiran, ò gè Lidia bea. Ò Yesudenɔ lè gwe, akũ ò n nɛɛ yĩda kũńne ò dà zén.

17

Pɔlu kunna Tesalonika

1 Ò bɔte kũ Amfipɔlio kũ Apɔlɔniao, akũ ò kà Tesalonika, gu kũ Yudanɔ aduakekpe kún.

2 Akũ Pɔlu gè aduakekpen lákũ àdigɔ ke nà, à waazi kèńne yā kũ à kèna Luda yān musu kámmabogɔrɔ aakɔ.

³ Àten bɔkɔteíne lákū à kō sèò Arumasihu wétamma le nà à fute bona gan à pì: Yesu kū mateni a yā oáre mé à Arumasihu pì ũ.

⁴ Ní gbēkenɔ yā pì zé è, akū ò nà Pɔlu kū Silasiooa. Len Giriki donyīrinɔ nām̄ma le dasi se ari kū nɔgbē kū ò tó bònɔ dasi dɔ.

⁵ Akū Yudanɔ nèsɛgɔbaa kpà kūńwo, ò kurepāpā'orinɔ kākara ò dasi kù, akū ò wēte wà. Ò gèe ò lika Yasō bei, òten Pɔlu kū Silasio wete de ò n kū ò bo kūńwo gupuraa.

⁶ Kū odi n lero, ò Yasō kū Yesude pāndenɔ gāte ò bò kūńwo wēte gbānadenɔ kīnaa, òten wiki lé òten pi: Gbē pìnɔ bi andunia guderinɔme. Ò sù la,

⁷ akū Yasō n díte a bea. Gbē pìnɔ ten pā Siza dokane n pínki, òdi pi kína pānde kun òdi pinɛ Yesu.

⁸ Yā pì zò gbēnɔ pɔa kū wēte gbānadenɔ.

⁹ Akū ò ɔgɔ sì Yasōa kū a gbē kparanɔ ò n gbāre.

Pɔlu kunna Berea

¹⁰ Gwāani birea gònɔ Yesudenɔ Pɔlu kū Silasio gbàre Berea. Kū ò kà gwe, akū ò gè Yudanɔ ad-uakɛkpen.

¹¹ Gbē birenɔ nèse mana de Tesalonikadenɔ pɔla ò Luda yā sì ɔplapla. Lákū gu dīgɔ dɔ nà òdigɔ Luda yā gwagwa de ò d̄s tó Pɔlu yā pìnɔn yāpura vī.

¹² Ní gbēnɔ Dikiri náani kè dasidasi kū Giriki nɔgbē bèɛɛdenɔ kū Giriki gɔgbēnɔ dasidasi dɔ.

¹³ Kū Tesalonika Yudanɔ mà Pɔlu ten Luda yā waazi ke Berea dɔ, akū ò sù gwe ò yākete dà gbēnɔ té ò n pɔ fùte.

¹⁴ Akū Yesudenɔ Pɔlu gbàre gònɔ ísira kpa, ama Silasi kū Timotio gò gwe.

15 Gbē kū ò gèe ze Pɔlunenɔ gèe kãao Ateni, akū ò èra ò tà Silasi kū Timotio kīnaa kū Pɔlu légbεεo, à pì ò mó ò a le likalika.

Pɔlu kunna Ateni

16 Kū Pɔlu teni n̄ dā Ateni, a pɔ yàka kū à è tāna di wētε pìi gūn yāi.

17 Akū à waazi kè Yudanɔne kū buri pānde donyīrinɔ aduakekpen kū gbē kū àdigō n̄ le εte gūnnɔ lākū gu digō dɔ nà.

18 Pɔlu ten yā lekōa kū yāwaaripari kū òdi n̄ sīsī Epikurenɔ kū Sotoikinɔ. Akū n̄ gbēkenɔ pì: Bó yān titimako dí ten bɔtεε? Gbēkenɔ pì: Óten da tāna dufunɔ yā kpàkpan àten ke. Ò ò le kū àten Yesu yā kū a vuna ganwo baaru nna kpañne yāime.

19 Akū ò Pɔlu sè ò gèe kãao gbē zōkōnɔ kīnaa Areopagu ò pì: Īni yā dufu kū ndi dañne owerεroo?

20 O yābonsare mà n lén, ó ye ò a bɔkɔtena dō.

21 Atenidenɔ pínki kū nibɔ kū ò kú gwenɔ digō ye yā pāndeiro, séde yā dufu mana kū a wàaripanaao.

22 Akū Pɔlu fùte à zè Areopagude pìnɔ té à pì: Atenidenɔ, ma è á mìnatenā tānanɔne kokari vī manamana yā sīnda pínki gūn.

23 Kū maten kure á wētε gūn, maten pɔ kū adi donyī keñnenɔ tàasi ká, akū ma sa'oki ke è, ò pɔ kēa ò pì: Luda kū ó dōro pɔ. Luda kū á a dōro áten donyī keñe baaruun maten kpááε.

24 Luda andunia kè kū pɔ kū ò kú a gūnnɔ pínki. Àkūme musu kū zīteo Dikiri ũ, àdigō kú kpé kú bisāsirinɔ bōnenɔ gūnlo.

25 A bàka kú kú bisāsiri ɔdamma keoro. Àkū mé àdi wèndi kú we'oo kpá gbē sīnda pínkia kú pɔ sīnda pínkio.

26 À buri sīnda pínki bò gbě mèn do kīnaame, akū ò kú andunia kusuru siikō pínkia. A gīnake à gɔɔ dīteditē buri pínkinē kū gu kū onigō kunwa léo.

27 À n̄ ké de ògō a wete ò ɔ mátamate ari ò gé boa. Bee kū abireo à zā kū ó gbēkeoro.

28 Zaakū àkū mé àdi tó ògō wēndi vī ò fō ò ó mè sé ògō kún. Lákū á kerε kenɔ ò nà: A burinɔn ó ũ se.

29 Lákū Luda burinɔn ó ũ nà, òsungō da Luda de lán tāna bāro kū bisāsiri kè kū wuraa ke andurufu ke gbēē kū à a ɔzī kēa a laasunnwa.

30 Luda mīkperε zù ó wésiragɔɔ yāne, ama àten yā dītε gbēnɔa gu sīnda pínkia tera de ò nèse lite.

31 Zaakū à gɔɔ dītε kū gbē kū à a sè yākpatε ke kū andunia a zéa. À gbē kū à a sèe pìi vù gan sèeda ũ gbē sīnda pínkinε.

32 Kū ò gènɔ vuna yā pìi mà, n̄ gbēkenɔ a fobò, ama n̄ gbēkenɔ pìi: Óni n̄ yā pìi ma zīkea dɔ.

33 Akū Pɔlu bò n̄ kīnaa.

34 Gbēkenɔ nāa, akū ò Yesu náani kè. Areopagu gbē kū òdi pinε Dionisiu kú n̄ té kū nɔgbē kū òdi pinε Damario kū gbēkenɔ dɔ.

18

Pɔlu gɔɔ pla kena Kɔrinti

1 Abire gbera Pɔlu bò Ateni à gèε Kɔrinti.

2 À kpākū kū Yuda keo gwe, Pɔntu būsū gbē kū òdi pinε Akila kū a nanɔ Pirisilao. Ò sù kū Itali būsūuo dufumε, kū Siza Kalaudiu dītε Yudanɔne ò bɔte Romu yāi. Pɔlu gèε n̄ kīnaa,

3 akū à kīpańma, àten zī ke kūrwo kū ɔzīdokɔnɔkerinɔme n̄ ũ yāi. Zaakū bizakutakerinɔme n̄ ũ n̄ pínki.

⁴ Kámmabogɔɔ zĩ pínki àdi waazi ke aduakɛkpen àten wɛtɛ Yudanɔ kũ Girikinɔ a yãzɛ e.

⁵ Kũ Silasi kũ Timotio bò Masedonia b̀sun ò s̀, Pɔlu zè kũ waazikɛnaao àten o Yudanɔnɛ swáswa kũ Yesumɛ Arumasihu ũ.

⁶ Kũ Yudanɔ ibɛɛɛ sè kãao ò a s̀s̀, akũ à a pókasanɔ kp̀kè à pì: Yã kũ a kè wí á musu, ma yã dorɔ. Zaa tera mani gé buri pãndenɔ kĩnaamɛ.

⁷ Kũ à b̀ gwe à g̀è à k̀pa buri pãnde donyĩri kũ òdi pinɛ Titiu Yusutu bea aduakɛkpɛ p̀i sarɛ.

⁸ Aduakɛkpɛ gb̃ z̀k̀ Kirisipu Dikiri náani kè kũ a bedenɔ ní pínki. Kɔrintide kũ ò Pɔlu yã mànɔ Yesu náani kè dasi, akũ ò da'itɛ kè.

⁹ Gwãani kea Dikiri ò Pɔlunɛ wégupu'ena gũn à p̀: Ñsun tó ṽna n kũro, ñsun kãmma bo kũ yã'onnɛnaaoro,

¹⁰ zaakũ gb̃ɛnɔn kú ma p̀ ũ dasidasi w̃tɛ dí gũn. Makũ mé má kú kũnwo, gb̃kè ni n kũ à wari d̀mmaro.

¹¹ Akũ Pɔlu w̃è do kũ mɔ suddoo kè gwe àdig̃ Luda yã da gb̃ɛnɔnɛ.

¹² Gɔɔ kũ Romu gb̃ Galio de Girisi b̀su gb̃ z̀k̀ ũ, Yudanɔ lédok̃nɔ kè ò f̀tɛ Pɔlui, ò g̀è kãao yãkpatɛkɛkia

¹³ ò p̀: Àkũ mé àten t́ ká gb̃ɛnɔgu òg̃ donyĩyã kũ à p̀ ó dokanɛ kũna.

¹⁴ Kũ Pɔlu ye à yã o, akũ Galio p̀ Yudanɔnɛ: Yudanɔ, tó dà ke taari z̀k̃nɔn à kè yã, à kũ mà mena kãáo.

¹⁵ Lákũ átɛn yãkete ká gb̃ɛnɔ t́ yã musu nà kũ á z̃da dokao, abirekũ g̃ á yã ũmɛ. Ma gi yã bire taka kɛkɛnaaimɛ.

¹⁶ Akũ à p̀mma à ní b̀tɛ yãkpatɛkɛkpen.

17 Akū pari aduakekpε gbē zōkō sōsotene kū ò a gbègbē yākpatekεkpε léa. Ama adi ke Galione yāke ūro.

Pōlu tana Antioku

18 Pōlu gɔɔ pla kè Kōrinti dɔ, akū à lé zà Yesudenɔa à gè gó'iten àten tá Siria b̀sun. Pirusila kū Akilao gèe káao. À m̀i b̀ Kenkerea lé kū à sè à Ludane yāi.

19 Kū ò kà Efesu, Pōlu Pirusila kū Akilao t̀ gwe. A gèe aduakekpen ò yā lèkōa kū Yudanɔ,

20 akū ò wé kèa à gɔɔ pla ke kūńwo. Akū à g̀,

21 ama kū àten lé zamma à pi: Tó Luda wè, mani era mà su á gwa. Akū à b̀ Efesu kū gó'iteo.

22 Kū à kà Sizaria, à gèe à f̀ kpà s̀si gbēnɔa zaa Yurusalemu, akū à tà Antioku.

23 Kū à gɔɔ pla kè gwe, à era à dà zén à gèe wète kū wèteo Galatia b̀sun kū Firigia b̀suuo à Yesudenɔ gbà gbāna ǹ pínki.

Apolo waazikena Efesu

24 Yuda ke kun a t̀n Apolo, Alesandaria gbēme. A lénna, akūsō à Luda yā d̄ manamana.

25 Ò Dikiri zé yā dànε, akū Yesu yādannena a kū gbāna. Àdi dańne a zéa, ama Yahaya da'itekena yān à d̄. À s̀ Efesu,

26 akū à nà yā'onaaa aduakekpen kū swègbānao. Kū Pirusila kū Akilao a yā mà, akū ò a s̀si ò Luda zé yā b̀kotenε sānsān.

27 Kū Apolo ye à gé Girisi b̀sun, Yesudenɔ a gbà swèε, akū ò takada kè Yesude kū ò kú gwenɔne de ò a kū ɔplapla. Kū à kà gwe, à ɔ dà gbē kū ò Yesu náani kè Luda gbēke gāinɔa manamana.

28 Zaakū a yā Yudanŏ fù pari gūn māmمام, à mòhne Luda yā gūn kū Yesumε Arumasihu ũ.

19

Pōlu kunna Efesu

1 Gŏrŏ kū Apolo kú Kŏrinti, Pōlu gē Asia būsuu guragura. Kū à kà Efesu, à Yesude kenŏ lè gwe,

2 akū à n lā à pì: Kū a Dikiri náani kè, a a Nini lè yá? Akū ò wèa ò pì: Oi, ódi a Nini kunna yā ma sero.

3 Akū à n lā à pì: Da'ite kpaten a kèè? Ò wèa ò pì: Yahaya pómε.

4 Akū Pōlu pìhne: Yahaya gbēnŏ da'ite kè n nèselitenaa sèeda ũmε. À ò gbēnŏne ò gbē kū ani su a kpe náani ke. Yesun à téa gwe.

5 Kū ò yā pì mà, ò da'ite kè kū Dikiri Yesu tóo.

6 Kū Pōlu ŏ nàrma, Luda Nini didimma, akū ò yáke buri ò ò annabikεyā ò.

7 Gbē pìnŏ kà lán gbēnŏn kuri awεεpla bà n pínki.

8 Pōlu digŏ gé aduakekpen ari mŏ aakŏ. À yā òhne kū swègbānao, àten yā gága kúnwo de ò a yāze e kpata kū à bò Luda kīnaa musu.

9 Ama n gbēkenŏ sāgbāna kè odi Luda yā síro, akū ò zé pì vāni bò pari gūn. Akū Pōlu gbē kū ò Yesu náani kènŏ sète ò bò n té. Akū àdigŏ yā gága kúnwo Tiranu kyókpen lākū gu digŏ dŏ nà.

10 À kè le ari wè pla, akū Asia būsudenŏ Dikiri yā mà Yudanŏ kū Girikinŏ n pínki.

Seva néno

11 Luda Pōlu gbà zé à daboyā bonsarenŏ kè.

12 Len bee tó ò ísimmawarabonŋ ke fùranŋ nà Pɔlu m̄ēa ò ḡē ò nà gyārenŋ, òdi werekōamē n̄ tānanŋ dī gom̄ma.

13 Yuda tānagommari kũ òdigō kure kenŋ w̄ete ò tāna go kũ Dikiri Yesu tōo ò p̄i: O òáre kũ Yesu kũ Pɔlu dī a yā waazi ke tōo, à gom̄ma.

14 Yudanŋ sa'oriki kũ òdi pine Seva négōgbē gbēnŋn supplanŋ mé òdi ke le.

15 Akũ tāna p̄inne: Má Yesu dō, akūsō ma Pɔlu baaruu mà. Ákōnŋ sō, dīn á ũu?

16 Akũ tānade p̄i k̄usim̄ma à gbāna m̄ōnne, à n̄ né n̄ p̄inki à n̄ k̄inna, akũ ò bàa lè ò b̄ote on p̄i ḡun punsi.

17 Kũ Efesudenŋ yā p̄i mà Yudanŋ kũ Girikinŋ n̄ p̄inki, v̄ina n̄ kũ, akũ ò Dikiri Yesu tó sè lei.

18 Akũ gbē kũ ò Yesu náani k̄enŋ sù òteni n̄ yākenanŋ o gupuraa dasidasi.

19 Pódamhari kenŋ n̄ takadanŋ nākōa ò sù ò kà tén pari wāra. Kũ ò takada p̄inŋ ogō dōdō, ò è à kà andurufu ogō m̄en dúbu bupla akuri.

20 Len Dikiri yā ten dagula le àten gbāna kũ.

Yāketē futēna Efesu

21 Yā birenŋ kenaa gbera Pɔlu z̄ēo a n̄es̄ēe ḡun kũ ani b̄ote kũ Masedonia b̄usuuo kũ Girisi b̄usuuo à gé Yurusalemu à p̄i tó a ḡēe gwe, séde à gé Romu.

22 Akũ à a kpanyīri gbēnŋn pla kenŋ z̄i Masedonia, Timōti kũ Erasatuo. Ákũ sō à ḡō Asia b̄usun ḡia.

23 Gōrŋ birean yāketē futē manamana Dikiri zé yā musu.

24 Andurufupiri ke kun a tón Demeteriu, àdi Atemi tānakpe taka pi kũ andurufuuo. A p̄iri dakenŋ dī àre zōkō le z̄i p̄ia.

25 Akū à n̄ kákara kū n̄ gbēdake kū òdi zī bire taka kenŋ à pìnn̄e: Gbēnŋ, á dŋ kū ɔzī dim̄e ó bleki ũ.

26 Áten e akūsŋ áten ma lákū Pɔlu ten ke nà, kū à pì tãna kū ò n̄ pínŋ bi dikirinŋnlo. À gbēnŋ mù l̄te dasidasi, ò a yãze è. Adi ke Efesu lan adoro, ari kū Asia bùsu gu dasiome.

27 Yã dí ni f̄s̄ à kisira iw̄ere fá. Adi ke ó ɔzī letena adonlo, a yã ni tó tãna nŋgb̄e zŋkŋ Atemi kp̄é ke p̄ã, tãna kū Asia bùsudenŋ kū andunia gbēnŋ pínki d̄i donyī ken̄e pì gakuri kò ni é.

28 Kū ò yã p̄i mà, n̄ pɔ f̄è, akū ò nà wikil̄naaa ò p̄i: Efesudenŋ Atemi zŋkŋ.

29 W̄ete w̄à, gbēnŋ bàa l̄e òten sí kŋkakarakekin, akū ò Masedonia bùsu gbēnŋn pla Gayusi kū Arisi-taku kū òdi gé w̄tea kū Pɔluonŋ kū ò ḡe kũnwo gwe.

30 Pɔlu ye à ḡe zà p̄i ḡn, akū Yesudenŋ dí w̄enero.

31 Asia bùsu gb̄e zŋkŋ kenŋ bi a gbēnnanŋme, akū ò gbēnŋ z̄ia ò l̄e dàa àsun ḡe zànlo.

32 Kŋkakaranaa yàka, gbēnŋ ten wiki lé òten kŋ yã maro, zaakū pari dŋ tó b̄oȳain ò kàkarairo.

33 Yudanŋ ɔ s̄s̄ Alesandai à yã o, akū z̄aa ḡn gb̄ekenŋ ten lé d̄aa. Akū Alesanda ɔ k̄ènn̄e de ò ȳite, à ye à Yudanŋ bàka bo yã gbēnŋ w̄ara.

34 Kū ò a dŋ Yuda ũ, akū n̄ pínki wiki s̄ik̄un l̄e l̄e lán awa pla bà ò p̄i: Efesudenŋ Atemi zŋkŋ.

35 Akū w̄ete gb̄e zŋkŋ n̄ zuka z̄e à p̄i: Efesudenŋ, gb̄e s̄inda pínki dŋ kū á de tãna zŋkŋ Atemi kp̄é d̄ãkp̄ari ũ kū a surakpasao.

36 Lákū gb̄eke ni f̄s̄ à bo abirekū k̄pero nà, à á z̄ida kū t̄ene. Àsun yãke ke kū w̄anaoro.

37 A su kŭ gbē dínŋ la, odi ɔ na ó tãnakpe pókearo odi ó tãna tó vãni síro.

38 A yã mé à tò, tó Demeteriu kŭ a pìri dakenŋ yã vī kŭ gbēkeo, yãkpatεkegɔɔ kun kŭ yãkekerinŋ. Ò gé kŏ sísi gwe.

39 Tó á yã pãnde vī dɔ, oni gŏgŏáre kŏkakarana kŭ gbãnadennŋ gbèkaa gŭn.

40 Zaakŭ oni fŏ ò ó taari le zuka kŭ ò kà gbãra díkĩna yãi. Óni yãzede le ò o zuka pìi musuro, zaakŭ à gbá vīro.

41 Yã bire onaa gberan à gbēnŋ gbàre.

20

Pɔlu gena Masedonia bŭsun kŭ Girisio

1 Kŭ zuka làka, Pɔlu Yesudenŋ kàkara à n gbá swèè à lé zàrmma, akŭ à gèè Masedonia.

2 Kŭ àten gēte bŭsu birela, à gbēnŋ gbà swè kŭ yãnŋ dasi ari à gèè à kào Girisi,

3 akŭ à mŋ aakŏ kè gwe. Kŭ àten gé gē gó'iten de à tá Siria bŭsun, à mà Yudanŋ lé kpàkŭsŭai, akŭ à zèo à era à tá kŭ Masedonia kpao.

4 Gbē kŭ ò gèè zenennŋ tón dí: Berea gbē Piru né Sopata kŭ Tesalonika gbēnŋ Arisitaku kŭ Sekunduo kŭ Debi gbē Gayusio kŭ Timotio kŭ Asia bŭsu gbēnŋ Tikiku kŭ Torofimuo.

5 Gbē birenŋ dòwèè are ò gèè, òteni ó dã Toroasi.

6 Ókŏnŋ sŏ Burodi Futenasari dikpe gbera o gē gó'iten Filipi, akŭ gɔɔ sɔɔro gbera o n lé Toroasi. Gwen o azuma do dèn.

Yutiku letena bona wondon

⁷ Azumanenna zī o kō kākara de ò burodi só lēlē. Pōlu ten waazi keñne. Kū à ye à tá tó gu dò, akū à dà yāla ari lizāndo.

⁸ Fitila dasi kú kpé musu gu kū ó kōkakaranan.

⁹ Kefenna ke vutena wondoo gūn kū òdi pine Yutiku, àten idekū dede. Kū Pōlu waazikēnaa kè gbàna, i a lè, akū à bò zaa kpé musu pì leu aakōde wondoo gūn à lète, akū ò à sè gè ũ.

¹⁰ Akū Pōlu kipa à kusia, akū à a sè à kpà a kùla à pì: Àsun tó swè kēáguro, à kú wèndiio.

¹¹ Kū à èra à dīdi musu, à burodii lilikōre à sò, akū à yā ò manamana ari gu dōo, akū à dà zén.

¹² Akū ò tà kū kefenna pìio bēne, gbēno nèse yīda kù manamana.

Zaa Toroasi ai Miletu

¹³ Ókōno sō o ge o gē gó'iten, o do Pōlune are o ta Aso, wēte kū óni a sēn. Len à zèo le, zaakū à ye à gé gwe gēseme.

¹⁴ Kū à ó lé Aso, akū o a sè o ge Mitileni.

¹⁵ Kū gu dò, o bo gwe kū gó'iteo o ge Kio. Gu làa dōna o ge Samo, akū a goro aakōde zīn o ka Miletu.

¹⁶ Pōlu zèo yā à do Efesui de goro sún gēa Asia būsuno yāi, zaakū àten wā de à le à ká Yurusalemu ari Pentikosi dikpe gō káme, tó ani sí ke.

Pōlu lézana Efesu gbē zōkōnoa

¹⁷ Pōlu gbēno zī sōsi gbē zōkōnoa Efesu à pì ò su Miletu.

¹⁸ Kū ò kà, akū à pìñne: Á dō lākū madì ke nà goro kū má kú kááo zaa zī kū ma gbá pète Asia būsuno la.

¹⁹ Ma zī kè Dikirine zīdabusanaa gūn kū wé'io. Ma wari kè Yudano lékpakūsūnamai yāi.

20 Mádi karana yāke utéárero, ma waazi kèáre ma dàáre gupuraa kū á beno.

21 Ma lé dà Yudanɔa kū Girikinɔ ní pínki ò are do Ludaa ò ó Dikiri Yesu náani ke.

22 Tera sà maten gé Yurusalemu lákū Luda Nini ma dan nà, yā kū ani ma le gwe má dōro.

23 Wēte kū wēteo Luda Nini ten omene kpésira kū wétāmmanaaɔ teni ní dā.

24 Ama ma wēndi bèere vīmene doro, séde mà yā kū maten péa le mà zī kū Dikiri Yesu dàmene ke mà a mì de. Àkūme Luda gbēke baarunnakpana gbēnoɔ ũ.

25 Ákōno kū ma kure á té ma kpata kū à bō Luda kīnaa waazi kèárenɔ, má dō tera sà kū óni wé ke pla doro.

26 A yā mé à tò ma òáre gbāra, tó á gbēke sàte, ma yān gwe doro.

27 Ma Luda poyenyīna pínki òáre, mádi a ke utéárero.

28 À laakari do á zīdaa kū sá kū Luda Nini á díte ní gbē zōkōno ũno ní pínki. À Luda sɔsi gbē kū à ní lú kū a zīda aruo pino gwa.

29 Má dō kū ma tanaa gbera lewanna pásī kū ò sãno wēnda vīrono ni si á té.

30 Bee á gbēkeno ni fute ò yālekperere daíne de ò gbēno gá ò naríma.

31 A yā mé à tò àgō kú a laakariia. Lákū ma lé dà á baadia kū wé'io nà fānantē kū gwāanio wē aakō dagura kámmabonaa sari, à tó a yā gō dōágu.

32 Tera sà mateni á na Ludane a oī kū a gbēke yā kū ani fō à gbāna karaáreo, à á gba zé de á baka gō kú kū a gbēno ní pínki.

33 Mádi gbēke ogo ke a pókasa ke ni dero.

34 Á d̄s kũ á zĩdao kũ ma zĩ k̄e kũ ma zĩda ɔome, akũ ma p̄o kũ ó a ni vĩ kũ ma gb̄enɔ l̄e.

35 Má m̄áre yā s̄inda p̄inki ḡun à zĩ ke lán dí bà à kpá gb̄anasaridenɔi. Yā kũ Dikiri Yesu ò ḡo d̄oágu kũ à p̄i gbadana p̄onna vĩ de gbasinala.

36 Yā bire onaa gbera à k̄ute a kosoa kũ n̄ gb̄e s̄inda p̄inkio à adua k̄e.

37 N̄ w̄e pà kũ w̄e'io n̄ p̄inki ò ml̄eml̄e P̄olua ò lé p̄epea.

38 Yā kũ à tò n̄ p̄o sira kũ z̄ok̄o mé à de kũ à p̄i n̄ w̄e ni ke pla doro. Akũ ò z̄ene ari gó'ite k̄inaa.

21

P̄olu tana Yurusalemu

1 Ó k̄enam̄ma gbera o ḡe gó'iten o da z̄en o m̄i p̄e Kosua. Gu làa d̄naao o ka Rode, akũ bona gwe o ḡe Patara.

2 Gwen o gó'ite kũ àten gé Fenisia b̄usun l̄en, akũ o ḡen o da z̄en.

3 Kũ o Sipiru è z̄a dire, o p̄ane ɔzei óten gé Siria b̄usun, akũ o ka Taya, gu kũ ò gó'ite aso b̄òten.

4 O Yesudenɔ w̄ete, akũ o azuma do k̄e kũn̄wo. N̄ gb̄ekenɔ ò P̄olune kũ Luda Nini gb̄anao kũ àsun gé Yurusalemuro.

5 Ama kũ ḡoro p̄apa kũ óni tá, o fute óten tá. Ò ḡe zewere n̄ p̄inki kũ n̄ n̄ono kũ n̄ n̄eno w̄ete kpe ari ísira léa. Akũ o kute ó kosoa o adua k̄e.

6 Kũ o lé z̄ak̄o, o ḡe gó'iten. M̄ók̄ono s̄o ò era n̄ bea.

7 Bona Taya o era o da z̄en ari o ka T̄olemai. O f̄o kpà Yesudenɔa o ke kũn̄wo ḡoro do.

⁸ Kū gu d̀ò, o fute o ge Sizaria. O ge o kipa baarunnakpari Filipi bea. Gbēnɔn suppla kū ò ní sé yānɔ domɛ.

⁹ À nénɔgbē annabinɔ vī gbēnɔn siikɔ odi zā ke k̀òro.

¹⁰ O gɔrɔ pla kena gwe gūn annabi kū òdi pine Agabu bò Yudea b̀usun à s̀ù.

¹¹ Kū à s̀ù ó kīnaa, à P̀olu utabaa s̀è à a zīda gbáɔn kū a ɔnɔ ỳò à p̀ì: Lákū Luda Nini ò nà̀n dí: Gbē kū à bà dí vī, len Yudanɔ ni a yī Yurusalemu ò a kpá buri pā̀ndenɔa le.

¹² Kū o yā pii mà, ókɔ̀nɔ kū wētepidenɔ o k̀ute k̀è P̀olunɛ àsun gé Yurusalemuro.

¹³ Akū à p̀ì: Bóyāi átɛn ɔ̀ɔ d̀ò átɛni ma ǹèseɛ yakamɛnɛɛ? Àsungɔ yīna ũ sero. Bee tó mani ga Yurusalemu Dikiri Yesu tó yāi, ma soru k̀è k̀ò.

¹⁴ Kū òdi f̀ò ò a mile bl̀ero, o kámma bò o p̀ì: Dikiri p̀oyenyīna ke.

¹⁵ Abire gbera o soru k̀è, akū o ge Yurusalemu.

¹⁶ Yesude kū ò kú Sizaria kenɔ g̀èɛ ò k̀ipa kūoo Sipiru gbē Nasɔ bea. Yesudemɛ a ũ zaa zī.

P̀olu gena Yamisi gwa

¹⁷ Kū o ka Yurusalemu, Yesudenɔ ó sí kū p̀onnao.

¹⁸ Kū gu d̀ò, P̀olu g̀èɛ kūoo Yamisi bea. Gbē z̀ɔkɔ̀nɔ kakarana gwe ní p̀inki.

¹⁹ P̀olu f̀ò kpámma, akū à yā kū Luda k̀è a zī gāi buri pā̀ndenɔ té bàbañne mámmam zéazea.

²⁰ Kū ò yā p̀ì mà, ò Luda sáabu kpà. Akū ò pine: Ǹ yā p̀ì gwa, ó gbē. Yudanɔ Yesu náani k̀è dúbu ũgbangba, akū ní p̀inki kokari vī Musa doka musu.

21 Ò mà kũ nten yā da Yuda kũ ò kú buri pāndenŋ ténŋne ò kpe li Musa dokanɛ, òsun t̄s̄ n̄ n̄énŋnero òsunḡō n̄ futɛokarayānŋ kũnaro.

22 Óni ke deraa? Zaakũ oni gí n suna yā mairo.

23 Ñ ke lákũ óni onne nà. Ó té gbɛnŋn siik̄ō kenŋ lé kè Ludaa.

24 Ñ n̄ sé à gé gbà bo á zīdanɛ, n̄ n̄ fīna bo de ò le ò mì bo, gbɛ sīnda pínki ḡō d̄s̄ kũ yā kũ ò mà n musu bi yāpuranlo. Oni e kũ m̄ok̄ŋn s̄ō n̄ té Musa dokai.

25 Buri pānde Yesu náanikerinŋ s̄ō, o takada kè o ònne o zɛo ò mì kē n̄b̄o kũ ò sa òo tānaaaa kũ aruo kũ n̄b̄o kūtukpanasario kũ pāpākenaaō.

26 Akũ Pɔlu gbɛ pìnŋ sè à tà kũnwo. Kũ gu d̄ō, ò gbà bò n̄ zīdanɛ, akũ à gè Luda ɔnn de à gbàboḡo lé d̄ite kũ sa kũ oni o n̄ baadinɛo.

Pɔlu kũna Luda ɔnn

27 Kũ gbàbona ḡoɔ suppla bire kà lakana, Asia bùsu Yuda kenŋ Pɔlu è Luda ɔnn. Ò té kà parigu, akũ ò a kũ.

28 Òten wiki lé ò pì: Isarailanŋ, à ó leo. Gbɛ díkĩna mé àdiḡō yā da gbɛ sīnda pínkinɛ gu sīnda pínkia, kũ à bo ó gbɛnŋ yā kpe kũ ó dokao kũ gu díkĩnao. Abire gbera à d̄okè kũ Luda ɔnnwo d̄ō à gènn kũ Girikinŋ.

29 Ò ò lɛ kũ ò Efesu gbɛ Torofimu è kũ Pɔluo w̄ɛte ḡūn yā yāime, akũ òten da Pɔlu gè k̄āo Luda ɔn ḡūmme.

30 W̄ɛte w̄à, gbɛnŋ bò kũ bàao zaa gu sīnda pínkia ò sù ò Pɔlu kũ Luda ɔnn ò a ḡàte ò bò k̄āo. Gwe ḡōnŋ ò Luda ɔn p̄i gbànŋ t̄ata.

31 Kũ ò ye ò a dɛ, yā p̄i baaru Romu sozanŋ gbɛ z̄ok̄ō k̄ĩnaa lè, à mà Yurusalemu w̄à.

³² Gwe gǝnŋ à soza bàdenŋ sè kŭ a bàsaridenŋ, akŭ ò gèmmā kŭ bàao. Kŭ gbēnŋ sozanŋ gbē zōkōŋ pìi è kŭ sozanŋ lɛɛɛ, ò Pɔlu gbēnaa tò.

³³ Akŭ gbē zōkōŋ pìi nà Pɔlui à a kŭ à pìi ò a yī kŭ m̀kākōananŋ mèn pla. À n lā à pìi: Dín gbē pìi ũu? Bó yān à kèɛ?

³⁴ Akŭ zàa gŭn gbēnŋ ten wiki lé òten yā dokōnŋ oro. Kŭ zuka dí tó gbē zōkōŋ pìi f̄ à yā pìi sãnsã maro, à pìi ò gé kãao sozanŋ bŭran.

³⁵ Kŭ ò kà kãao didikia, sozanŋ mé ò a sè gbēnŋ nanakōana yāi.

³⁶ Zaakŭ gbē sīnda pínki téi kŭ wikio òten pi: À a dɛ.

Pɔlu gina kŭ a zīdao

³⁷ Kŭ ò ye ò gē kŭ Pɔluo sozanŋ bŭran, akŭ à gbē zōkōŋ pìi là à pìi: Īni we mà yā ońne yá? Akŭ à a là à pìi: Ndì Giriki yā ma yá?

³⁸ Misila gbē kŭ à fùte kŭ gbānadenŋŋ zīna à gèɛ gbárannan kŭ bŭsuderì gbēnŋn dúbu siikōnŋmɛ n ũroo?

³⁹ Pɔlu wèa à pìi: Yudan ma ũ. Ò ma i Taasu, Sílisia bŭsummɛ. Wēte tósaridenlo. Ma wé kèmma n ma gba zé mà yā o gbēnŋnɛ.

⁴⁰ À a gbà zé, akŭ Pɔlu zè didikia à ŋ sè gbēnŋnɛ. Kŭ ò yīte kítikiti, à yā óńne kŭ Eberu yāo à pìi:

22

¹ Ma gbēnŋ kŭ ma marenŋ, à sã kpá à ma yāze ma tera.

² Kŭ ò mà àten yā ońne kŭ Eberu yāo, ò zè kítikiti. Akŭ Pɔlu pìi:

³ Yudan ma ũ, ò ma i Taasu, Silisia bùsumme, akū ma kefen blè wēte gūn la. Gamalieli kīnaan ma doka kū ó dizinŋ kūna dàdan a zéa. Má ania vī Ludane lākū á kun nà gbāra á pínki.

⁴ Ma wé tã donyī zé pì sèrinŋa ari n gbēkenŋ gāga, ma gōgbē kū nŋgbēnŋ kùkū ma n ká kpésiran.

⁵ Sa'oriki kū gbē zōkōnŋn de ma sēedadeno ũ n pínki. Ma takada kū ò kē Damasuku Yudanŋne sì n ŋĩ, maten gé gwe mà gbē pìnŋ kùkū mà su kūnwo Yurusalemu ò wé tām̄ma.

Pɔlu a Yesu zé sɛna bàbannɛnaa
(Zīr 9:1-19, 26:12-18)

⁶ Kū má té zén, ma ka kāni kū Damasukuŋo ifāntē kà mīdangura, akū kānto gupura zōkōŋ bō ludambe à dāmala.

⁷ Ma bo ma letē zīte, akū ma kōtoo mà ò pìmenē: Solu, Solu, à kē dera nten wé tām̄aa?

⁸ Akū ma pì: Díme n ũu, Dikiri? Akū à pìmenē: Makūme Yesu Nazera kū nten wé tãa ũ.

⁹ Gbē kū ò kú kūmaonŋ gupura pìi è, ama odi gbē kū àten yã o kūmao kòto maro.

¹⁰ Akū ma a là: Bón mani kee, Dikiri? Akū à pìmenē mà fute mà gē Damasuku. Gwen oni yã kū a dītemenē mà ke omēnē pínki.

¹¹ Gupura pì í gbāna tò ma wé dí gu e doro, akū ma gbēnŋ ma kū ma ŋa ò gè kūmao Damasuku.

¹² Donyīri ke kú gwe kū òdi pine Anania. Àdi mī natē Luda dokane, akūsō Damasuku Yudanŋ pínki dī a tō nna sí.

¹³ À sù ma kīnaa à zè ma sare, akū à pìmenē: Solu ma gbē, n era n gu e. Gwe gōnŋ ma wé wē, akū ma a è.

14 À pì ó dizinŏ Luda mé à ma se de mà wé ke pla kŭ Gbē Manao mà yā ma a lén mà a poyenyīna dŏ.

15 À pì manigŏ de a sèedade ũ màgŏ yā kŭ ma è kŭ yā kŭ ma màao o gbē sīnda pínkinε.

16 Akŭ à pì bón maten dā dŏ, mà fute mà da'ite ke ma durunnanŏ ni kēma kŭ à sísinaao.

Pɔlu zīna buri pāndenŏ kīnaa

17 Kŭ ma era Yurusalemu, maten adua ke Luda onn, akŭ ma wégupu è.

18 Ma Dikiri è, à òmenε mà ke likalika mà bo Yurusalemu, zaakŭ gbēnŏ ni yā kŭ maten o a musu síro.

19 Akŭ ma pì Dikirinε, ò dŏ sānsān kŭ madigŏ gē aduakεkpe kŭ aduakεkpenwo de màgŏ a náanikerinŏ ká kpésiran ògŏ n gbē.

20 Kŭ òteni à sèedade Sitivī de sŏ, makŭ má kú gwe ma ze kŭ a dèrinŏ má n utanŏ kŭnañne.

21 Akŭ Dikiri pimenε mà gé, áni ma zī ari buri pāndenŏ kīnaa zāzā.

Pɔlu bi Romu gbēme

22 Ò sã kpà a yāi ari à gèε à kà buri pāndenŏ yā pìia, akŭ ò nà wikia ò pì: Á a de! Gbē dí taka kunna zé vīro!

23 Òten wiki lé òteni n utanŏ kpuke òten bùsutiti fã musu.

24 Akŭ Romu sozanŏ gbē zŏkŏ pì ò gē kŭ Pɔluo n bùran, ò a gbē kŭ flāao ari à yāpura o ò le ò yā kŭ òten wiki dŏa a yāi ma.

25 Kŭ òten Pɔlu onŏ poro de ò a yī, à pì soza bàde kŭ à kú gwenε: Á a zé vī à Romu gbē gbē yākpatεkenaa sari yá?

26 Kū sozaa pì yā pì mà, à gèè à pì nì gbē zōkōne: Bón ìni kèè? Gbē pì bi Romu gbēme.

27 Akū gbē zōkō pì sù à Pòlu là à pì: N omene, Romu gbēme n ũ yá? À wèa à pì: Ee.

28 Akū gbē zōkō pì pìne: Ma ɔɔɔ dasi kpàme, akū ma gō Romu gbē ũ. Akū Pòlu pìne: Makū sō ò ma i a ũme.

29 Akū gbē kū ò yei ò yā lalaa yāno bòru kpe gōno. Kū gbē zōkō pì dō kū Pòlu bi Romu gbēme, vīna a kù kù à tò ò mōò kàa yāi.

Yuda gbānadenɔ yākpatekena kù Pòluo

30 A gu dō kù gbē zōkō pì ye à yā kù Yudanɔ sùo sānsān ma, à mōò pòroa, akū à sa'orikinɔ kù Yuda gbānadenɔ kàkara à sù kù Pòluo nì are.

23

1 Pòlu wé pè gbānadenɔa à pì: Ma gbēno, yāke teni ma swè vī Luda arero ari kù a gbārao.

2 Akū sa'oriki Anania ò a dogarinone ò a lé a léa.

3 Akū Pòlu pìne: Luda n lé se, bisāsiri kaka né. N vutena nten yākpate ke kūmao doka musu, akū mōkōn sō n bo a kpe, n pì ò ma lé.

4 Akū dogari pìno pì: Mōkōmme nten Luda sa'oriki sōsō le yá?

5 Pòlu pì: Gbēno, má dō sa'orikinlo, zaakū ò kē Luda yān ò pì òsun ó bùsu gbānade tó vāni síro.

6 Pòlu dō kù gbānade pìno gbēkenɔ bi Sadusinome, nì gbēkenɔ sō Farisinɔ, akū à ònne gbāngbān: Ma gbēno, Farisin ma ũ, Farisinɔ nén ma ũ. Gèno vuna tāmaa kù má vī yāin áten yākpate ke kūmao.

⁷ Kū à yā pì ò, Farisinŏ kū Sadusinŏ fùte kū kŏo kū lékpakŏao, akū kŏkakararinŏ kpàate leu pla.

⁸ Sadusinŏ dì pì gènŏ dì vuro, akūsŏ malaikanŏ kū nininŏ kunlo. Farisinŏ sŏ ò zè kū yā pìnŏo pínki.

⁹ Ò zuka gbāna kà n̄ té, akū Farisi kū òdi doka dañne kenŏ fùte kū lékpakŏa gbānao ò pì: Ódi yā vāni ke le gbē diaro. Tó nini ke malaika mé à yā òne sŏ bi?

¹⁰ Kū lékpakŏa kè gbāna, sozanŏ gbē zŏkŏ ten vīna ma de gbēnŏ sún Pŏlu ke yákiyairo yāi, akū à ò a sozanŏne ò kipa ò gē n̄ té ò a kū ò gé kāao n̄ bŭran.

¹¹ Zī birea gwāani Dikiri bò à sù Pŏlua à pì: Ñ laakari kpáte! Lákū n ma yā ò Yurusalemu la nà, séde ò o Romu dŏ.

Lékpakūsūna Pŏlui

¹² Kū gu dŏ, Yuda kenŏ kākara asiri gŭn ò la dà ò pì oni pŏ blero oni í miro ari ò gé Pŏlu deo.

¹³ Lékpakūsūrii pìnŏ de gbēnŏn buplala.

¹⁴ Ò gèe sa'orikinŏ kū gbē zŏkŏnŏ kīnaa ò pìrīne: O sì kū Ludao o pì tó ódi Pŏlu deo, tó o pŏ blè, Luda láari bowá.

¹⁵ Ákŏnŏ kū gbānadenŏ á pínki à gé à o sozanŏ gbē zŏkŏne à suáre kū Pŏluo lákū ò pì á ye à a yānŏ tàasi ká tera de a káakupŏla bà. Ókŏnŏ sŏ ónigŏ kú soru gŭn ò a de zén ari àgŏ gé ká la.

¹⁶ Kū Pŏlu dāre négŏgbē n̄ yā kū ò gŏgŏo pìi mà, akū à gèe à gèe sozanŏ bŭran à ò Pŏlune.

¹⁷ Akū Pŏlu soza bàde s̄si à p̄ine: Ñ gé kū kefenna dio á gbē zŏkŏ kīnaa, zaakū à ye à baaru ke kpáne.

18 Akū à a sè à gèe kãao n gbē zōkō kīnaa à pì: Pɔlu kū ò a dà kpén ma sisi à kúte kèmenne mà su n kīnaa kū kefenna dio. À yāke vī à ye à onne.

19 Akū gbē zōkō pìi kefenna pìi kù a ɔa à gèe kãao gukpado n pla, akū à a là à pì: Bó yān n vī n omenee?

20 Akū à pì: Yudanɔ mé ò lé kpākūsū, ò ye ò kúte kenne n su kū Pɔluo n gbānadenone zia, lākū ò pi ò ye ò a yā gwa tera de a káakupɔla bà.

21 N̄sun weñnero, zaakū n gbēnɔ teni a dā zén ò de gbēnɔn buplala. Ò la dà ò pì oni pɔ blero oni í miro ari ò gé a deo. Ò soru kè kò, n yān n sã dɔi.

22 Gbē zōkō pìi pì kefenna pìine: N̄sun tó gbēke dō kū n òmenero. Akū à a gbàre.

Pɔlu gbarena Sizaria

23 Akū à soza bàde gbēnɔn planɔ sisi à pìine: À o soza fēnedade gbēnɔn wàa donone ò soru ke ò gé Sizaria ɔkɔsi úblegɔ kū sōde gbēnɔn baaakō akurinɔ kū sáride gbēnɔn wàa donɔ.

24 À sō yā keke Pɔlune à dia à géo b̄usu gbē zōkō Felisi kīnaa aafia.

25 Akū à takada kēne à pì:

26 B̄usu gbē zōkō Felisi, makū Kalaudiu Lisia ma takada díkīna kēne ma fɔ kpàmma.

27 Yudanɔ mé ò gbē díkīna kù ò ye ò a de. Kū ma a d̄ò Romu gbē ũ, akū ma ge kū sozanɔ ma a s̄imma.

28 Kū má ye mà a taari kū ò lèa ma, ma a sè ma ge kãao n yākpatekerinɔ kīnaa.

29 Gwen ma d̄n kū taari kū ò lèa bi n doka yāme, adi yā kū à kà ò a de ke ò a da kpésiran kero.

³⁰ Kū ò lé kpàkūsūi, ò a yā kpāni kèmēne, akū ma a gbàemma gōñō ma ò yādenōne ò gé kū a yāo n kīnaa gwe.

³¹ Akū sozanō kè lākū ò òñne nà ò Pōlu sè ò gèe kāao Antipatari gwāani.

³² Kū gu dō, soza kū òten taa o gèsee pìnō Pōlu nà sōdenōne n̄ ɔĩ ò do kāao are, akū ò era ò tà n̄ bŭran.

³³ Kū sōdenō kà Sizaria, ò takada pìi kpà bŭsu gbē zōkō pīia, akū ò Pōlu nāne a ɔĩ.

³⁴ Bŭsu gbē zōkō pìi takada pìi kyó kè, akū à Pōlu là bŭsu kŭ à bòn. À mà kŭ Silisia bŭsuun à bòn,

³⁵ akū à pìnē: Tó gbē kŭ ò yā vī kŭnwonō sù, mani ma lākū oni o nà. Akū à pì ògō a dākpa Herōdu kipakia.

24

Yudanō Pōlu káarakpanaa

¹ Gōrō sōoro gbera sa'oriki Anania sù Sizaria kŭ gbē zōkō kenō kŭ dokadōri kŭ òdi pinē Tetuluo. Ò sù Pōlu káara kpà bŭsu gbē zōkō kīnaa.

² Kŭ ò Pōlu sīsi, Tetulu fùte àten yā daala à pì: Felisi, kŭ n arubarikaaó bŭsu katena aafia. N zia laasunlena mé à ó bŭsuu kè mana.

³ Òdi n tó nna sí ògō n sáabu kpà gu sīnda pínkin gōrō sīnda pínki.

⁴ Kŭ má ye mà n yā gágaro, mani wé kemma n̄ sùru ke kŭoo n̄ ò yā fitinna dí ma.

⁵ O è kŭ gbē pìi bi guderiiemē. Àdi yākete da Yudanō té andunia gŭn pínki, à de donyīze éke kŭ òdi n̄ sīsi Nazēradenō don'arede ū.

⁶ À ye se à Luda ɔn gbà lé, akū o a kŭ.

⁷⁻⁸ Tó n a làla n zīda, ĩni taari kŭ ó làa yāpura dō.

9 Akū Yudanŏ yā'i kàra ò pì len yā pìnŏ de le.

Pɔlu gina kū a zīdao Felisi are

10 Akū būsū gbē zōkō pì mī kē dékū Pɔlunε de à yā o. Akū Pɔlu pì: Lákū má n dō yākpatekeri ũ būsū dí gūn a wē dasi kē, a yāi mateni ma mibona yā o ma laakariia.

11 Tó n gbēka, oni onne kū ma gena Yurusalemu mà donyī ke de gɔɔ kuri awεεplalaro.

12 Odi ma e maten lékpakōa ke kū gbēkeo Luda onno. Odi ma e maten yākete da aduakεkpenŏ gūn ke wēte gūnlo.

13 Gbē pìnŏ ni fō ò taari kū ò lèma sèedade lennero.

14 Ma sì kū zé kū òten sísi donyīze éke pì gūnn maten do ó dizinŏ Ludai. Má yā kū ò kē Musa doka gūn kū annabinŏ takadanŏ náanikena pínki.

15 Ma wé dŏ Ludai lán mókōnŏ bà, kū gbē mananŏ kū gbē vāninŏ ni vu n pínki.

16 A yā mé à tò madìgō ma zīda toto gɔɔ sīnda pínki de ma swē súnɡō vī Luda are ke bisāsiri arero.

17 Ma wēkena kū ma būsuo gbera ma era ma su ma ɔ dàríma ma sa ò

18 Luda onn. Kū maten sa o ma gbābonaa gbera, akū ò ma le gwe. Mádi gbēnŏ kákararo, yākete kunlo.

19 Asia būsū Yuda kenŏme yādenŏ ũ. Séde ò su ò yā bo kō lén n kīnaa.

20 Tó lenlo, n tó gbē kū ò kú lanŏ dà kū ò lèma gɔɔ kū ò yākpate kē kūmao o.

21 Sé yā mèn do kū ma òné kū kòto gbānao, gèno vuna yā musun òten yākpate ke kūmao.

22 Felisi Yesu zé bokotena dō, akū à lá kù Yudanō yāla à pì: Tó sozanō gbē zōkō Lisia sù, mani á yā m̀i deáre.

23 À ò soza bàdenē àgō Pōlu dākpa, ama à a gba zé à ìam pá, à tó a gbēnō kpáì.

Pōlu kunna kpésiran Sizaria

24 Goro pla gbera Felisi sù kù a Yuda nanō kù òdi pine Durusilao. À Pōlu sìsi, akū à Kirisi Yesu náanikena yā màa.

25 Pōlu ten yā o manakēnaa musu kù zīdakūnadōnaao kù yākpatekena kù àten suo, akū vīna Felisi kù à pì: N̄ fute ò tá gĩa. Goro kù ma ò lè mani era mà n sísi.

26 Àten wé dō Pōlui kù ani gusaregba daareme, akū àdigō a sísi gēn baaakō à su fāai bo kāao.

27 Kù à kè wè pla, Pōsiu Fesutu vùte Felisi gēne ũ. Kù Felisi ye àgō nna kù Yudanō yāi, akū à Pōlu tò dana kpésiran.

25

Pōlu zè kù gēna Siza kīnaao

1 Fesutu vutena kpatan goro aakō gbera à fùte Sizaria à gèe Yurusalemu.

2 Gwen sa'orikinō kù Yuda gbānadenō sù a kīnaa ò fùte kù Pōlu yāo. Ò wé kèa

3 à sùru kè à tó Pōlu su Yurusalemu. Zaakū ò zèo ò tankute kpápane zén ò a demē.

4 Akū Fesutu pìnnē: Pōlu kù kpésiran Sizaria, makū sō mani tá gwe tera.

5 Á gbānade kenō su ò gé kūmao. Tó à yā vāni kème, áni o.

⁶ Fesutu kè kũńwo lán gɔɔ sɔraakɔ ke gɔɔ kuri taka bà, akũ à èra à tà Sizaria. Kũ gu dɔ̀, à vùte a tɪntinnwa à pì ò mó kũ Pɔluo.

⁷ Kũ ò sù káao, Yuda kũ ò bò Yurusalemunɔ likai, akũ ò yã zɔkɔ kũ odi fɔ̀ ò a sèedade lèronɔ dia dasidasi.

⁸ Pɔlu zè kũ a zĩdao à pì: Mádi taari ke Yudanɔ doka ke Luda ɔnnɛro, ke Siza.

⁹ Fesutu ten wete àgɔ nna kũ Yudanɔ, akũ à Pɔlu là à pì: Īni we ñ gé Yurusalemu de mà yákpate ke kũnwo gwe yã dínɔ musu yá?

¹⁰ Pɔlu pì: Siza doka kũ à kũ ò yákpate keomenɛ aren má zen la. Mádi taari ke Yuda kenɛro lákũ mɔkɔn ní dɔ̀ sãnsãn nà.

¹¹ Tó ma taari kũ à kà ò ma de kè, maten gí mà garo. Ama lákũ mádi yã kũ gbɛ́ dínɔ ten o ma musu ke kero nà, gbɛ́ke zé vĩ à ma kpámmaro. Gena Siza kĩnaan ma zεo.

¹² Kũ Fesutu lé kpàkũsũ kũ a gbɛ́nɔ à pì: Kũ Sizame n zεo, a kĩnaan ĩni géń.

Gena kũ Pɔluo kina Agaripa kũ Benisio are

¹³ Gɔɔ pla gbera kina Agaripa kũ Benisio sù Sizaria de ò fɔ̀ kpá Fesutua.

¹⁴ Kũ òten gɔɔ pla ke gwe yã, Fesutu bò kũ Pɔlu yão kina piine à pì: Gɔgbɛ́ ke kú la kũ Felisi a tò da kpésiran.

¹⁵ Kũ ma ge Yurusalemu, sa'orikinɔ kũ Yuda gbɛ́ zɔkɔnɔ sùmenɛ kũ a yão ò pì mà sùru ke mà yã daala.

¹⁶ Ma piine tó gbɛ́ kũ ò sù kũ a yão dí zé le à kɔ e kũ gbɛ́ kũ ò yã vĩ lɛlɛnɔ à yã wènm̄maro, ókɔnɔ Romudenɔ odì a kpámmaro.

17 Kū o su la læele, mádi zεzεro. Kū gu dō gōnō, akū ma vute ma tintinnwa ma pì ò mōmenε kū adeo.

18 Gbē kū ò taari lèaa pinō yā ò, odi yā vāni kū matεn kpákpa o a musuro.

19 Ò yákete vī káao n donyĩze yā musu kū gōgbē kū òdi pinε Yesu yāo. À gà, akū Pōlu zè kū a kunna wēndin yāo.

20 Ma bídi kè yā pì zé dōnaaa, akū ma a là tó à ye à gé Yurusalemu ò yā pì gōgōnε gwe.

21 Akū Pōlu pì Romu kīnan a zεo ògō a kūna. Akū ma pì ògō a dākpa ari màgō gé a gbarε Sizaa.

22 Akū Agaripa pì Fεsutunε: Má ye mà gbē pì yā ma ma zīda. Akū Fεsutu pì: Īni yā ma a lén zia.

23 Kū gu dō Agaripa kū Benisio sù kū gakuri zōkōo, akū ò gē kōkakarakekpen kū soza gbē zōkōnō kū wēte gbē bèεredenō. Kū Fεsutu yā ò, ò sù kū Pōluo.

24 Akū Fεsutu pì: Kí Agaripa kū ákōnō kū á kú kūoo lanō pínki, a gbē dí è yá? Yuda kū ò kú Yurusalemunō kū gu dínō n pínki gbē pì yā sè ò sùoma, òten wiki léma ò pì à mana àgō kun doro.

25 Makū sō, mádi e à yáke kè kū à kà ò a dero, akū lākū à zè kū Sizao nà, ma zεo mà a gbarεa.

26 Mádi yā pì gbá dō gbasa mà takada kē kīnane a yā musuro. A yā mé à tò ma su káao á are, atēnsa mōkōn kīna Agaripa, de yālalanaaa gbera mà yā le mà kē.

27 Zaa kū purusuna gbarēmmana taari kū ò lèa sānsān onaa sari zé vī ma kīnaaro.

26

Pōlu a zīda yā bōkōtena kīna Agaripa are

¹ Akū Agaripa pì Pɔlunɛ: N̄ zé vī ñ n yā o. Akū Pɔlu ɔ sè à a zīda yā b̀̀kɔtɛ à pì:

² Kí Agaripa, ma è ma mìnna kè, kū ma lè mateni ma zīda yā b̀̀kɔtɛ n are gbāra taari kū Yudanɔ òima pínki yā musu.

³ Atēnsa kū n̄ Yudanɔ futɛokarayā d̄s pínki kū n̄ yāketenɔ. Abire yāi ma wé kèmma ñ ma yā dí mamene.

⁴ Yudanɔ ma kunna d̄s zaa ma né fíti zī naana zaa ma b̀̀sun ari Yurusalemu.

⁵ Ó ma d̄s à g̀̀i kè. Tó ò yei, oni f̄s ò o kū má kú ó donyīrinɔ g̀̀a kū à gbāna kū Luda yāo kū òdi pi Farisinɔ t̄e.

⁶ Tera sà òten yākpate ke kūmao kū ma wé d̄o lé kū Luda sè ó dizin̄n̄ei yāi.

⁷ Ó buri mèn kuri awɛɛplanɔ òiḡs̄ do Ludai fānant̄e kū gwāanio wéd̄na lésena dok̄nɔ pīi. Kí, tāmaa pì yāin Yudanɔ f̄utemai.

⁸ Bóyāin Luda gènɔ vunaa kèáre yāzesari ū s̄e?

⁹ Makū s̄o yā, ma z̄eo kū yā kū ani bo Yesu Nazera kpe pínkin maniḡs̄ ke.

¹⁰ Len ma kè le Yurusalemu. Sa'orikinɔ ma gba zé, akū ma Luda gb̄n̄o kà kp̄ésiran dasi. Tó òteni n̄ d̄ede s̄o, ma lé òiḡs̄ kú a ḡũm̄e.

¹¹ Madiḡs̄ gé aduak̄kpe kū aduak̄kpeo gèn baaak̄s̄, màḡs̄ wé t̄ān̄ma mà ḡā nar̄ma de ò ledi kp̄á Yesui. Ma p̄o f̄ēnañyĩ, akū madì gé wari d̄m̄ma ari buri pānde w̄eten̄a.

Pɔlu a Yesu zé s̄ena yā'onaa

(Zīr 9:1-19, 22:6-16)

¹² Abire yāi maten gé Damasuku kū doka kū sa'orikinɔ ma gbar̄eoo.

13 Kína, kũ má té zén kũ ifántēo di m̀dangura, ma gupura è à bò ludambe à damala kũ ma gbēnɔ, à pāsĩ de ifántēla.

14 O letē zĩte ó pínki, akũ ma kòtoo mà ò òmenē kũ Eberu yāo ò pì: Solu, Solu, à kè dera nten wé tãmaa? Lèzōna kũ gbáo kyate sari ten wari dɔmma fá!

15 Ma pì: Díme n ũu, Dikiri? Akũ Dikiri pì: Makũmē Yesu kũ nten wé tãa ũ.

16 Ñ fute ñ zē. Ma bo ma summa de mà n sé ma zĩkeri ũmē, ñgō de yā kũ n è kũ yā kũ mani mɔnnεoo sèedade ũ.

17 Mani n sura ba Yudanɔ ɔĩ kũ buri pāndenɔ. Mani n zĩmma

18 de ñ ñ wé kēñne, ò kpe li gusirane ò are dɔ gupuraa, ò bo Setan gbānan ò gē Luda pón, de ñ durunnanɔ le à kēmma, ñ baka gō kú kũ Luda gbēnɔ ma nánikena yāi.

Pɔlu zĩkena Yesune

19 Kí Agaripa, àkũ mé à tò mádi gí ludambe gbē kũ à bò à sùma yāiro.

20 Ma waazi kè Damasuku gĩa kũ Yurusalemuo, akũ ma kè Yudea b̀usu gu sĩnda pínkia kũ buri pāndenɔ kĩnaao. Ma òñne ò nèse lite ò are dɔ Luda, ò yā kũ ani tó ò d̄s kũ ò nèseεεe lite ke.

21 Abire yāin Yudanɔ ma kũ Luda ɔnn, ò ye ò ma dε.

22 Luda kpányĩn má kunwo ari kũ a gbārao, akũ má zena a sèedade ũ né fíti gbē zōkōnɔne ñ pínki. Madì yā pānde oro, sé yā kũ annabinɔ kũ Musao ò à ke baasiro.

²³ Ò pì Arumasihu ni wari le, àkū mé ani fute bona gan káaku à gupura yā o Yudanɔne kū buri pāndenɔ.

²⁴ Kū Pɔlu teni a zīda yā bokote le, Fesutu wiki dāa à pì: Īa kāmman yā Pɔlu? N dōna zōkō mé àteni n mì lite.

²⁵ Akū Pɔlu pì: Īa dí kámaro, gbē bèereḍe Fesutu. Yāzeden maten o, akūsō yāpurame.

²⁶ Kí, lākū n yā birenɔ dō nà mani fō mà yā onne sūsū vīna sari. Má dō kū a ke dí ke n mì kpero, zaakū yā pì bi gukpado yānlo.

²⁷ Kí Agaripa, n yā kū annabinɔ òo sì yá? Má dō kū n sì.

²⁸ Akū Agaripa pì Pɔlune: Goro fíti dí lén nten da ĩni fō n ma lite mà gō Yesude ūn yá?

²⁹ Pɔlu pì: Bee tera ke gikena má yei, tó Luda wè. Adi ke ndonlo, kū gbē kū òteni ma yā ma gbārano n pínki, ò gō lākū má de nà mōkakōana dínɔ baasi.

³⁰ Akū kína pì kū būsū gbē zōkōo kū Benisio fute kū gbē kū ò kakarana gwenɔ.

³¹ Kū ò bōte, òten o'okōne: Gbē pì dí yā kū à kà ò a de ke ò a da kpésiran kero.

³² Akū Agaripa pì Fesutune: Tó gbē pì dí ze kū gena Siza kīnaao yāro, de óni fō ò a gbare.

27

Gena kū Pɔluo Romu gó'ite gūn

¹ Kū ò zèò ò da Itali zén, akū ò Pɔlu kū purusuna kpara kenɔ nà soza bàde kū òdi pine Yuliune a oī. À de soza gā kū òdi pì Siza sozano don'aredenɔ do ū.

² O gē gó'ite kũ à bò Adaramitiumu gũn, àten bote kũ Asia bùsu wētenɔ, akũ o da zén. Masedonia bùsu gbē Arisitaku Tesalonika kú kũoo.

³ Kũ gu dò o ka Sidō. Yuliu Pɔlu kũna kũ nèsedoo, akũ à a gbà zé à gé a gbēnɔ gwa, de ò kpái.

⁴ Kũ o bo gwe, o ka í dagura. Kũ ãa ten daóle yã, akũ o do Sipiru bùsuui kpε kpa.

⁵ Tãa'ona ísira dagura o do Silisia kũ Pamfilia bùsunɔi, akũ o ka Mira, Lisia bùsun.

⁶ Gwen soza bàde pì Alesandaria gó'ite kũ àten gé Itali lèn, akũ à ó kán.

⁷ Gɔɔ kenɔ gũn ó tá bùsa. O ɔsi kà ari o ka Sinidu léa. Kũ ãa dí wewere ò gé súsuru, o pãne o bo Kereti bùsu kpε kpa Salamɔne sare.

⁸ Ɔsikanaa gũn óten pã Keretine, akũ o ka gu kũ òdi pi Gódɔki Manan. A kãni kũ wēte kũ òdi pi Laseao.

⁹ Lákũ o gii kè zén nà, ó gena are gò kari yã ũ, zaakũ Yudano léyĩgɔɔ gè kò. A yã mé à tò Pɔlu lé dàrĩma

¹⁰ à pì: Gbēnɔ, ma è tá dí ni su kũ ásarú zōkōo kũ kisirao. Adi ke gó pì kũ a asonɔ adonlo, kũ ókōnɔme se.

¹¹ Ama soza bàde góɔɔɔri kũ gódeo yã sì de Pɔlu póla.

¹² Gu pì mana ò gó dɔn ò bunsire blenlo, akũ gbēnɔ zè dasi kũ ò era ò da zén ò tá. Ò ye ò ká Fenisi, wēte kũ à kú Kereti ifālete kpa, tó ani sí ke ò bunsire ble gwe.

Zàgãĩa futena ísirala

¹³ Kũ ãa buse fùte gènɔmidɔki kpa, òten da ò fō ò ní poyeina kemε. Akũ ò ní gó pòro ò dà zén òten pã Keretine kãnikãni.

14 Adi gì kero zàga'ĩa gbāna kū òdi pi ĩa pāsī bò Kereti kpí kpa.

15 À gó líte, ódi fĩ ò are dɔa doró, akū o gō téi.

16 Kū à ó kpá luan fítinna kū òdi pi Kodai, à kèwá sàna fíti. Ɔsikanaa gūn o ó gó fítinna surababɔ̀ lè o kù gwe.

17 Kū ò sè ò gèò gó zōkɔ̀ gūn, akū ò kèke ò bàa dè gó zōkɔ̀ piia. Kū òten vīna ke Libia bùsu í sàrara gēnane yāi, akū ò gó kúra gbàre ín ò gè té ĩai.

18 Kū gu dɔ̀, lākū zàga'ĩa kpé àteni ó gó yīpayīpa gbāngbān nà, akū ò nà asonɔ̀ zuzunaaa í gūn.

19 A gɔ̀ɔ̀ aakɔ̀de zī ò n gó zīkebɔ̀ɔ̀ bòte ò kòte n zīda.

20 À kà gɔ̀ɔ̀ ũgbangba ifāntē kū susunenɔ̀ dí boro, ĩa pāsī pìi kū legūo dí kpátero. Surabana tāmaa kū ó vī yā làkawá pínki.

21 O gɔ̀ɔ̀ pla kè ódi le o pó blèro, akū Pɔ̀lu fùte à pìinne: Gbēnɔ̀, tó a ma yā māmē yā, de ódi fute Kereti, kisira kū ásarú dínɔ̀ gbasa à ó léro.

22 Ari tera maten lé daáwa à laakari kpáte! Á gbēke ni garo, sé gó pìi yaka.

23 Gĩa gwāani Luda kū má de a pó ũ maten doi malaika bò à sùma

24 à pì: Nsun vīna kero, Pɔ̀lu. Séde n Siza are le. Luda gbē kū ò kú kūńwo gó gūnnɔ̀ bònne aafia n pínki.

25 A yā mé à tò gbēnɔ̀, à laakari kpáte! Má Luda náani vī kū ani ke lākū à òmenē nà.

26 Séde ò ká luan ke í sàraran.

27 A gɔ̀ɔ̀ gēro donsaride zī gwāani ĩa pāsī pì teni ó gáte Adariatiki íla ari tera. Akū lizāndo gó gbēnɔ̀ ten da o ka kāni kū í baraomē.

28 Akū ò bà ílogwabɔɔ gbàre ín, ò è gàsákuru basiikō. Kū à kè saa fíti ò gbàre dɔ, ò lè a lòkotoo kà gàsákuru baaakō.

29 Òten kpana gbèla vīna ke, akū ò kúra mèn siikō gbàre gó pòrɔ kpɛ, akū òten adua ke de gu dómma.

30 Gó gbēnɔ ten zé wete ò bote gó gūn ò bàa lé, akū òten gó surababɔɔ pìi kipa ò da íla, òten ke lákū ò ye ò kúranɔ gbarɛ gó arɛ bà.

31 Akū Pɔlu pi soza bàdenɛ kū a bàsaridenɔ: Tó gbē birenɔ dí gō gó gūnlo, áni fī à boro.

32 Akū sozanɔ gó surababɔɔ bànɔ zòzō ò tò à lète ín.

33 Kū gu ye à dɔ, Pɔlu kúte kèñne ní pínki ò pó ble à pì: A gɔrɔ gēro donsarin gbāra a gō lokona póble sari.

34 Maten kúte keáre à pó ble de à gbāna le à bo aafia. Bee á mikā mèn do ni létero.

35 Pɔlu yā bire onaa gbera à burodii sè à Luda sáabu kpà gbē sīnda pínki wára, akū à è àten só.

36 Ní gbē sīnda pínki laakaríi kpàte, akū ò pó blè sà.

37 Ókōnɔ kū ó kú gó gūnnɔ ó pínki o ka gbēnɔn wàa do kpɛ baaakō akuri awɛesuddo.

38 Kū ò pó blè ò kà, ò póblewɛ bòte ò kà ín, de gó le à ke futa yāi.

Gó'ite yakanaa

39 Kū gu dò, ò sīsīaa lè odi dōro. Kū ò luankore è kū būsua'tɛ sàraao, akū ò zèo ò gé kū góo í sàraran gwe, tó oni fī.

40 Ò kúranɔ pòro ò dà í gūn, akū ò báli gódɔdɔbɔnɔ bàa pòro gēnɔ. Ò gó arɛ biza pòro ñanɛ, akū ò m̀i pè gu sàraa p̀ia.

⁴¹ Akū ò sì bùsu'atēn dōnaa sari, akū gó zè gwe. Bùsu'atē pì gó arɛ kù gíngin adi fō à yīgāro, akū ísōkena kū àten káka kū gbānao ten gó pòro kpe yaka.

⁴² Sozano zèo ò purusunano dede, de n gbēke sún í kpá ò pitińmaro yāi.

⁴³ Ama soza bàde ye à Pòlu mì sí, akū à gíńne ò n poyeina ke. À pì íkparino dońne arɛ ò kusi ía ò bikū,

⁴⁴ gbē kparano gō té n kpe lí lèketeno ke gó kasono musu. Len gbē sīnda pínki í bara lè aafia ɛ.

28

Pòlu kunna Malata luan

¹ Kū o í bara lè aafia, o mà luan pì tón Malata.

² Bedeno ó sí kū yenyĩo manamana. Ò gbānake kpàwái, ò té sàa lèwɛɛ, zaakū legū nà manaaa, akū ía bòte.

³ Pòlu yàka kete kàkara à sù àten ká tén, pitiko kú a gūn. Kū té puusu a pà, à bò à Pòlu sò a ɔa.

⁴ Kū bedeno mlèe pìi è do a ɔa, ò pìkōne: Gbē bire bi gbēderiime yāpura. Bee kū à bikū í bara aafia, yāpura dí wenɛ àgō kunlo.

⁵ Ama Pòlu mlèe pìi gbàke à dà tén, adi pòke kenɛro.

⁶ Gbēno wé doì kū a ɔ ni ká à léte à ga gwe gōnoɛ. Kū à gù kè, ò è pòke dí a lero, akū ò lé lite ò pì, gbē pì bi tãna zōkō kemɛ.

⁷ Gu pìi saren luan gbē zōkō kū òdi pine Publiu be kunwa. À ó díte goro aakō à nibōkenaa kèwɛɛ kū yenyĩo.

8 Publiu de wútēna kŭ mēwānao àten bādubādu ke. Akū Pōlu gē a kīnaa à adua kēne, à ɔ nàa à a wèrekōa.

9 Kū à kè le, luan pì gyāre kparanɔ sù a kīnaa, akū ò wèrekōa se.

10 Ò ó kpe tà manamana. Kū óten tá, ò zànaa kèwεε dɔ.

Pōlu kana Romu

11 Ó konna luan pìi gŭn mɔ aakō gbera o gē gó'ite kŭ à bunsire blè gwen o da zén. Gó pìi bò Alesandaria ò sika tānanɔ sēedaa kēa.

12 Kū o ka Sirakusi, o gɔɔ aakō kè gwe.

13 Bona gwe o do í léi ari o ge káo Regiumu. Kū gu dɔ ĩa bò gènmidɔki kpa, a gɔɔ pladen o ka Putɔli.

14 Wēte pìi gŭnn o Yesudenɔ lèn. Ò pì ò sùru ke ò azuma do ke kŭńwo. O kè le, akū o da Romu zén.

15 Romu Yesudenɔ ó baaruu mà, akū ò sù daóle. Gbēkenɔ ó lé Apiu Eten, gbēkenɔ sō gu kŭ òdi pì Kipakimen'aakōn. Kū Pōlu n é, à Luda sáabu kpà a laakarīi kpàte.

Pōlu waazikēna Romu

16 Kū o ka Romu, ò Pōlu gbà zé àgō kun adona kŭ soza kŭ anigō a dākpāo.

17 Gɔɔ aakō gbera Pōlu Yuda gbē zōkōnɔ sisi. Kū ò kàkara, à pìńne: Ma gbēnɔ, mádi zā Yudanone yākearo. Mádi bo ó dizinɔ futεokarayāke kpero, akū ò ma kŭ Yurusalemu ò ma kpa Romudenɔa.

18 Ò ma lala yāi odi yāke le ma musu kŭ à kà ò ma dero, akū ò ye ò ma gbarε.

19 Akū Yudanɔ bò ma kpe. Tilasi ma ze kŭ gena Siza kīnaao, adi ke má yā vī kŭ ma bùsu gbēnɔnlo.

²⁰ A yā mé à tò ma á gbéka, de ò kō e mà yā o kǎáo, zaakū gbē kū Isarailanŏ wé dōi yāin ò mò dí kàmai.

²¹ Akū ò pìne: Ódi takada ke le à bò Yudea būsun n yā musuro. Ó gbēke sō adi bo gwe à sùwεε kū n baaru vānioro.

²² O è à mana ò yā kū nĩ ma n lén, zaakū o mà òdi donyīze pì vāni bo gu sīnda pínkiamε.

²³ Ò gɔɔ ditekōne kū Pɔluo, akū ò sù a kīnaa on kū à kipan dasidasi. À ye ò a yāzε dō Yesu yā musu, akū à nà Musa dokaa kū annabinŏ yānŏ, à kpata kū à bò Luda kīnaa yā ònne à bōkoteīne zaa kōnkŏ ari ɔkōsi.

²⁴ Gbēkenŏ yā kū àten onŏ zé lè, ama gbēkenŏ gii.

²⁵ Kū òten kēkōa kū lékpakōao, Pɔlu yā mèn do kàraīne à pì: Yā kū Luda Nini dà annabi Isayanε à ò á dizinŏne bi yāpuramε, kū à pì:

²⁶ N̄ gé n̄ o gbē kùnŏne,
onigō sā kpá yākemanaa sari,
onigō gu gwa yāke'ena sari.

²⁷ Ò nèε vīro de òsun ōndō kūro yāi,
n̄ sā gbāna de òsun yā maro yāi,
n̄ wé kukurεna de òsun gu ero yāi,
zaakū ò ye ò are dōma mà n̄ gba aafiaro.

²⁸⁻²⁹ A yā mé à tò, àgō dō kū Luda gbēnŏ zī kū surabana yāo buri pāndenŏa. Mókōnŏme oni sí.

³⁰ Pɔlu kè kpé kū àten fīna bo gūn wè pla māmnam. Àdigō gbē kū òdi su fāai bo kāaonŏ kū ɔplapla n̄ pínki.

³¹ À kpata kū à bò Luda kīnaa yā waazi kēīne à Dikiri Yesu Kirisi yā dàīne kū laakariio kpatεna, gbēke dí kpánero.

Luda yá takada kú Bisá yáo
Portions of the Holy Bible in the Busa language of
Nigeria

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

PDF generated using Haiola and XeLaTeX on 18 Apr 2025 from source files dated 31 Aug 2023

8631d380-7d17-5581-abf9-174814e8ccc3